

東
華
續
錄

東華續錄

光緒二十九年

臣朱壽朋敬編

臣章圭璩恭校

六月癸卯朔調啟秀為盛京刑部左侍郎文徵為刑部左侍郎○李瀚章奏湖北學政梁耀樞因風聞丹關防洗失懇請飭部重鑄頒發允之○閩敬銘奏差徭累民實甚北省皆然山陝尤重前此軍興征調不能不借民力糧銀一兩派差銀數倍不等然此猶曰兵差也驛路處所也近年兵差已少有流差不能驛路差費本能大減卽僻區仍形煩重現在糧銀一兩平派差錢八九百一串餘不等陽無加賦之名陰有加賦之累錢糧或有蠲緩差錢數歲仍攤臣為陝西土人又熟聞山西老吏老民確知二十年前實不如近歲兵差僅有而流差為害滋甚財盡民窮何堪日久此非細故急應核減既非兵差之難已又值歲歉之可危任令驛路僻區增益加派山陝地勢高燥田利本薄農民終歲所入納賦應差牛力籽種外實無所餘甚為賠累戶鮮蓋藏卽種糧盡行糶賣以應追呼民困如斯復何樂利此差徭之累不可不設法輕減者也就臣愚見謹擬辦法八條一裁減例差借差也候補人員盈千累百各有眷口奴僕非商非農悉以營求差使為事如查驛站燒鍋小錢緝捕名目繁多謂之例差其有

回籍私事他往各予以咨追海捕催餉各樣印札藉省川資謂之借差廿年以來百事踵增各委員並不
出省出府還家丁執持印札四出向各州縣索取差費銀向地方折收車馬錢難以調劑窮員實則苦累
農戶官農相較應極重輕應由各上司斟酌裁省勿事濫派其或遇要事派府廳正印查辦公事派丁役
外出亦必定以車馬限制予以查驗憑據勿得浮濫一由臬司給發車馬印票也各省州縣所用限行排
單多由臬司印頒差車差馬即可做行臬司印就兩連差票頒發通省院司道府州縣如有須車馬事件
卽於印票填明事由人名車馬數目指定行走州縣路途截留票根季末繳回由臬司查核凡有委員餉
鞘人犯公務過境必持有上司委札或州縣印文及臬司印票二者俱全方給車馬票內註明如有折錢
等弊無論予者受者一人首告由所控衙門審實立照折數加倍重賞凡職官幕友家丁書役藉口辦公
隨意索車者概行禁革如各衙門濫給印票山上司查參外省委員前來辦公先期由外省知會一體給
以車馬印票概不支差一喇嘛來往須有定班也喇嘛差使甘肅四川陝西山西四省官民同一苦累雖
懷柔遠人一時不能停止然不得不謀減少之策其道經處所任意隨時零星行走真假莫辨向官勒索
使費向民折取車錢其訛詐伎倆多由通事伴送者教唆分肥稍不遂意非曰貢件被竊則曰官物損
壞詐訛多端官民深畏生事又包攬商賈貨物箱包捆載無數詭稱官物多索車馬折錢勒費任情偷漏

稅課既省脚資並可索取銀錢擬以後喇嘛來往必由理藩院四川總督先期行知指定一班共若干人役實共稍包若干實用車馬若干彙爲一處一班一時行走尤必照樣填寫印票開載一切無違令其自執每至一處必由州縣驗明印票如數支應倘或分起零星先後錯出隨身未執印票者卽不支應通事伴送人員查有通同作弊立爲懲處又陝西撫臣譚鍾麟光緒二年咨行四川山西喇嘛過境章程八條似爲妥善請另繕清單請 飭下理藩院議奏頒行如有未盡應由甘肅四川陝西山西各督撫續議以清各省之累一奉使辦事大臣宜禁濫索也西口領隊辦事赴藏迎送往來及 欽差查辦事件在本官必自知檢束而家丁多倚爲奇貨昔人所謂朝出國門便作威福需索供應壓斥廚傳事誠有之尤恐折夫折車漫無限制巧取豪索名爲禁止暗仍刁難可否 飭下兵部限以折夫車錢定數准山州縣報銷並擬請以後或少爲換班或加增餼給或酌與川資但能減少擾累卽以曲體民生從前 欽差查事或僅據派信臣一人隨員亦少事權歸一辦事亦有實際大臣出使各知自重擇人而用 朝廷自有法度權衡一嚴除衙署地痞也差務過煩半歸中飽衙署地痞交相狼狽用一報三官司知而不問彼此含糊其實焚牧令或圖便用或邀譽過客或放縱丁役閭閻疾苦視若秦越山陝地痞無甚伎倆亦無多黨與官果嚴正卽行畏懼各處侵蝕此錢者不過刁詐丁役惡劣鄉愚一經嚴懲必能斂跡應令各處嚴查用

帳廣貼示禁浮收濫派定從重治罪一令民間折交流差錢文由衙門自辦也臣本籍陝西朝邑縣不當
大遼十年以前糧銀一兩攤差費千數百文至同治七年而困苦已極將滋事變臣兩告督臣左宗棠前
撫臣劉典於同治八年力改差章彼時尚多兵差近六七年歲按糧銀一兩派錢三百提錢若干交縣自
行辦差官用已錢諸從節省並不誤公而應用綽有餘裕丁役書差酌付津貼行已十年官民尚便嚴查
帳目歲有餘錢買積義倉去歲旱荒即用餘項以應差未派一錢然此亦苟且支吾之計但明定限制國
敕一時耳曾國荃與臣兩商先將補解僻路向派極重之榮河夏縣虞鄉三縣照朝邑辦法每糧銀一兩
歲派錢百餘文不交官辦理一應科派概行盡除在臣竊悚非法而農民羣謂大減陝西撫臣諒鍾麟
令同州府知府饒應祺亦施行屬縣然臣終不敢以此為良策必賴治人力有實際至僻路州縣差使無
常能否照辦殊無把握一嚴查驛馬足額備用也差務例有驛馬本不累民奈差費均出外州縣官多
賠墊驛馬不足上司亦難查究果能如前六條實在行之則州縣之力可寬又嚴查驛馬使之足額則民
間車馬乃可少派若徒空文責成難期事有實際一本省征防各兵給與長車由營自辦也前七條皆言
流差若過兵差亦應計及查湘淮營制各有長夫臣在山東曾仿行之令本省勇營酌改長夫為長車每
遇開行及尋常轉運差遣由營自備車馬省費省事將領勇丁均以為便州縣里民不辦兵差諸少擾累

惟有外省過境兵差不能不支亦爲奏立定章至遣撤勇丁出差將弁如須支差必驗印札印崇其游勇
投營一切雜流差使私事來往僅持各營官木戳記並無印崇者概不支給以上所陳不惟各省向章不
同卽州縣亦各殊異因革損益應從地宜總期無誤差務無累官民 上諭閻敬銘奏山西等省差徭苦
累請飭分別查辦裁減一摺差徭藉資民力自應隨時核實何得任意增益致累閭閻茲據閻敬銘所奏
近年山西等省派差煩重小民困於追呼實屬不成事體該侍郎所擬辦法八條不爲無見候補人員差
使名目頗多並有借差回籍或往他省往往遺令家丁執持印札四出索取差費折收車馬錢文致多擾
累嗣後著各督撫督飭所屬酌量裁省勿事濫派有因要事派往之官員等亦必定以車馬限制予以查
驗庶幾以杜浮冒並嚴折收錢文等弊凡職官幕友家丁書役藉口辦公需索車馬者均著嚴行禁革至
所辦山泉司給發車馬印票及令民間折收流差錢文由州縣衙門自辦各節著該督撫體察情形酌度
辦理衙竈地痞藉差漁利用少報多情殊可惡著飭令地方官隨時嚴查倘有浮收濫派情事卽將該丁
役等從重治罪驛站馬匹務令足額備用以免多派民間該侍郎前在山東巡撫任內令本省營勇酌改
長夫爲長車每遇開行及尋常轉運差遣由營自備車馬外省過境兵差亦爲奏立章程其並無印崇僅
有營官木戳鈐記文件者概不支給並著仿照妥辦以上各條著四川陝西山西河南各督撫悉心籌辦

督率屬員詳查民隱破除積習嚴定章程所有無名科派悉予革除其餘各省情形亦多相同並應認真核辦總期無累民生無誤差務其奏使大臣及出差官員等務當檢束家丁嚴禁需索毋任稍有騷擾所請飭部限以差夫折車銀錢定數准由州縣報銷等語著該部議奏至喇嘛往來須有定班一條及所陳陝西巡撫譚鍾麟咨行四川山西喇嘛過境章程著該衙門妥為核議奏明頒行嗣後喇嘛主境概不准藉端勒索官員赴藏熬茶等項差使亦不准濫索供應以輕徭役而恤民艱○甲辰追予新疆陣亡領隊大臣文永等祭葬世職附祀平瑞專祠○乙巳會國基奏臣迭奉 諭旨飭將籌款事例條款概行停止忝膺疆寄分應 聖哲正本清源求臻上理何敢以一省之災謬乞 恩施邊卽一律停捐維時東漕尚未散罄各省尾捐源源批解飢黎賴此全活肩急可以暫紓臣與司道日事祈禱並飭各州縣勸督農氓加意播種但求二麥豐收民食稍裕上忙可望開徵來源不至盡絕乃微臣德薄福淺不能繼召天利入春以來太汾平靈四郡亢旱如故二麥枯萎將成失望澤潞補絳解五郡荒田太多開墾未廣雖得微雨所種不及往年十分之二而所收亦僅三四五成不等至於太原巡北素不種麥向無春收此山西通省上忙雖已開徵入款無多之實在情形也五月初九十一等日太原各屬得雨五六寸而節節雨至為時過遲各州縣補種晚禾方讓官備牛具籽種以輔民力之不遑無如庫空若洗籌款無出急切

以興辦若坐視民間竭蹶而不爲之代謀既辜 聖朝屢年全活之恩復失閭閻一歲秋成之望此固
皇上所不忍也而亦微臣所不敢也查上年辦賑州縣八十餘處民間籽粒早空無門告貸此時縱能補
種而自夏徂秋爲時尚長天之雨陽旣不可知苗之秀實猶在未定卽如上年四月得雨非不深透而五
六等月復遭大旱遂至全功盡棄顆粒不收此次初九之雨大慰民望然尙不敢以偶獲甘霖便可斷爲
豐歲也卽使後來玉燭調和而當此匱乏之餘欲令嗷嗷飢黎枵腹以待西成竊恐此數月內未卜倉庾
之登先庾溝壑之命此災區尙須另籌調劑酌量撫恤之情形也至於善後事宜如招墾荒地採買耕具
籌給籽種及買運倉穀興廢繼絕諸大端在在需費其鉅本省旗綠兵餉州縣驛站馬乾及各項留支坐
支平時專取之地丁一項自賑務既興入款悉成餅餌每遇緊急之時不得不於捐需項下通融挹注今
捐輸已停外援絕矣錢糧徵收難望半額內顧更多憂矣卽使上下兩忙所收畸零之數悉留爲災區善
後之用亦不足以周徧廣溥又安忍坐視斯民之垂斃而莫之救也側聞部庫空虛旣不忍屢作發棠之
請遙念鄰封支絀復不敢長爲竭澤之求再四籌思展捐別無他策 聖太后 皇上停捐之
意蓋爲整頓吏治康濟民生起見 聖謨高遠超出尋常萬萬臣亦何敢再置一辭惟查吏治之清濁繫
乎州縣之賢否州縣之賢否輒視道府爲轉移良以州縣係親民之官道府有表率之責故 朝廷視此

四項較他途爲尤重仕宦之艷羨以四項爲最珍當日所定籌餉事例道府州縣較他途爲特昂且有捐免保舉呈交實銀之條爲數不貲臣愚以爲此四項實官應遵前次諭旨永遠停止嗣後無論何項工程軍務不得再議開捐其京職郎中員外郎主事三項職司部務關係匪輕宜與道府州縣一律停止仰副我聖朝求治之意卽永杜新進僥倖之門此外同通佐貳及七八九品雜職本屬閒曹無地方民社之責與正印等官不同宜與京職光祿寺署正以下各官留展半年其他封典虛銜翎枝等項既非實官無妨吏治擬請一併緩展他省不得援以爲例無任翹首待命之至下戶部連議具奏○李鴻章奏地方各官政務殷繁向藉養廉辦公惟順天府尹每年例出養廉銀四百兩除去減成折扣僅領實銀二百兩該府尹居京師首善之地專轄近畿四屬二十四州縣管理刑名錢穀緝捕諸政歲需用項甚繁領款不敷其鉅是以歷任公私交困臣與同辦一事深悉艱窘情形竊恐無以自立或致別滋流弊查外省繁缺道府每員歲支養廉銀四五千兩不等奉天府尹現亦增至實銀六千兩順天府尹亦有地方之責自應比例酌加以示體恤部款既難籲請直隸又係缺乏之區司庫入不敷出今查有天津貨釐一款本係奏定撥充大沽北塘海口砲臺經費飭據支應局司道擬議每年設法勻提實銀三千兩應請自光緒五年春季起卽由該局照數解送作爲順天府尹加增公費庶辦公有資不致動形竭嗽地方事宜亦可

實力整頓如將來整捐停止再行察核酌辦辦理下戶部知之○丙午撫卹琉球遭風難民○己酉諭都察院奏代遞貴州候補道羅應旒敬呈管見一摺所有整學校以新吏治練兵民之武技以自強精機汽之器械以利用參西國之法例以謀遠擢朝野之利權以儲儲各條有無可採著李鴻章沈葆楨體察情形悉心妥籌具奏○諭昨據都察院代奏貴州候補道羅應旒敬陳管見一片貴州苗疆粗定自宜革除積弊以期永遠相安著劉長佑岑毓英詳細查明妥籌辦理務將以上各弊革除淨盡並將如何辦理情形妥籌具奏○諭樞密等奏查明虧短官馬各員分別懲處一摺已革固山達鄂勒哲依達輟呈控該羣虧短馬匹各情經都統訊明解馬各員欠繳備馬雖已陸續補齊係於事後巧爲補備控騎馬一項前經申禁之後仍有違禁情事牧長奇巴克扎普等虧短馬三百五十餘匹筆帖式翰克濟爾噶勒兼牧孳生馬毛色等項與圖冊不符據稱係因殘倒賠補殊屬任意取巧總管巴圖那遜擲用銀兩亦屬妄爲總管翼長固山達等官失於稽察均有應得之咎所有牧長奇巴克扎普等二十五名均著革去頂戴仍留牧長差使各加鞭責一百所虧馬匹責令照數賠補踴躍報部存案該羣委著固山達巴扎爾薩都等十員均著革去頂戴筆帖式翰克濟爾噶勒著革去筆帖式翼長索特那木棟岳特阿木嘎巴扎爾職司分統有補補欠交餘馬情弊均著革職留任總管巴圖那遜整頓馬政是其專責竟敢置虧短於不問

視捨馬爲故常廢弛已極著卽行革職卹卹舊依達和係因革職永不叙用之員呈內率引前案罔知愧悔著交該旗佐領嚴加管束至備捨騎馬係牧羣巧立名目私將官馬乘騎前於同治四年奉 旨禁止之後仍有前項情弊實屬不成事體著再嚴飭該總管等倘敢仍蹈故轍卽從嚴參辦○譚前據丁寶楨遵查雲南提督胡中和等催糧遺勇意存見好等情當經臣旨照辦嗣據劉長佑奏該提督等遞呈咨稟各稱屈抑請再飭查核經諭令恩承重華確查具奏茲據奏稱胡中和等營向無潰散情事因四川協餉未解無從墊發遂咨請將楚勇兩營裁撤其發給兩月全餉藉充經費仍係補還舊欠並非另給行糧含混支領前任雲南鹽法道沈壽榕查無與魏鼎勳等私事干求親密人甚各情亦無聲石平常毀掠等語胡中和著交還黃馬褂勇號沈壽榕著仍以道員留於雲南補用毋庸送部引見已革知府魏鼎勳已革知州李光舒仍著該督撫隨時留心察看如果始終奮勉再行酌量奏請開復該部知道○以賀壽慈爲左副都御史成林署步軍統領○辛亥 上詣 奉先殿行禮○賀廷奏昨奉 旨賀壽慈補授都察院左副都御史聞 命之下朝野駭然夫 朝廷用人每曰自有權衡權取其公衡取其平不公不平何權衡之有方今 皇上冲齡 皇太后垂簾聽政用人之柄雖 皇太后主之而實樞臣贊成之樞臣者朝廷之樞衡也奴才竊以爲賀壽慈之復用非 皇太后之意實樞臣之意也於何見之於樞臣擬 旨

見之黃體芳疏劾賀壽慈曖昧之事奴才不必苛論姑以罪蹟昭著者言之夫回奏不實則欺罔也恭演
龍轎車順道購葺則大不敬也卽此二罪雖嚴議豈足蔽辜而樞臣擬旨不曰欺罔不曰大不敬而
渾其詞曰殊屬非是是先爲開脫也樞臣先爲開脫吏部遂僅照不應重例以降三級調用議之及都察
院刑部定案聲明請旨則樞臣當乞特旨嚴譴以爲大臣不知檢束者戒乃竟免置議是始終徇庇
也當降調時人言嘖嘖頗有謂賀壽慈情有與援不久必復起用而奴才深維樞臣之意或以賀壽慈身
爲大臣不欲繩以重律使之以微罪行自必密奏宮廷永不叙用詎意謫官甫及三月遽邀恩簡豈
賀壽慈適然而降適然而用朝廷亦無成心耶抑賀壽慈人品何如心術何如有毀之者有譽之者
皇太后皇上尙難遽斷耶卽使果出自聖意宮闈深遠或於賀壽慈之人品心術未盡周知樞臣
則斷無不知之理胡弗諫阻是誠何心方今災旱甫減秋成尙未可期時事艱難雖患萌動樞臣宜仰體
皇太后皇上宵衣旰食孜孜之心進賢退不肖以佐朝廷出治豈可遽自矜滿致取愆尤賀壽慈
卽非卑佞亦頗衰庸排衆議而用之果有當於國是萬一否耶且副都御史職司風憲爲言官長今以
欺罔不敬之人處之何足以資表率邇來羣劾久靡直諫罕聞賀壽慈前司風憲有年不聞有所振頓一
目重膺豸服不知賀壽慈服居此官亦一疚心否科道中矜名節尙骨鯁者必不屑與接班聯而其中無

職者且謂必如賀壽慈之品行聲名乃稱此官是實言路滑澗之一大轉機也天下見賀壽慈欺罔不敬如此不知檢束如此猶且倖蒙錄用將疑朝廷直枉不辨舉錯靡常從此中外大小臣工恐益肆無忌憚矣奴才備員史官職司記注有拾遺補闕之責明知用人行政有此闕失若不據實糾繩卽屬曠官負國惟有懇將賀壽慈開缺別簡賢員補副御史以肅官箴以重言路天下幸甚上諭翰林院侍讀學士寶廷奏獲咎大員聲名甚劣請旨開缺另簡賀壽慈前因與商人李鍾銘相與往來一案降三級調用都察院左副御史一缺朝廷以賀壽慈係候補人員吏部開列在前是以令其補授該副都御史既係未孚眾望年力亦漸就衰著卽行開缺至所奏以壽慈回奏不實則爲欺罔恭演龍轎車順道購辦則爲大不敬樞臣擬旨不曰欺罔不曰大不敬而渾其詞曰殊屬非是及都察院刑部定案竟允置議等語朕冲齡踐阼恭奉兩宮皇太后垂簾訓政軍機大臣於承旨時仰蒙垂詢建言獻替亦係職分所當爲賀壽慈擬奏各節與初次所奏不符業已有旨宣示至恭演龍轎車順道購辦固屬不應豈能卽加以大不敬之罪都察院會同刑部覆奏此案聲明李鍾銘與賀壽慈交易往來訊無干預公事情弊應否免職請旨定奪當以賀壽慈業經降調降旨免其再行置議並非軍機大臣爲賀壽慈開脫處分敢於徇庇也惟機務甚煩關係至重軍機大臣承辦諭旨嗣後務當益加謹慎毋得稍有疎忽○諭御史梁俊

奏提臣奏事獲旨請將會銜督撫一併議處一摺據稱湖南提督羅大春所奏兵單添練一摺奏旨交部議處而李瀚章邵亨豫會經會銜請一併議處等語前次羅大春所奏兵單添練摺尾有會同李瀚章邵亨豫銜名該提督是否與該督撫商定稿抑係羅大春出奏在先會稿在後著李瀚章邵亨豫據實覆奏至現在各省留防勇營尙多未免虛糜餉項著各該督撫懷遵迭次諭旨體察情形即將各處勇營分別裁撤歸併并得稍涉瞻徇藉詞延宕○諭御史鄧慶麟奏風聞有因案參革之內務府銀庫郎中連陞照囑庫掌薩隆阿代謀庫缺餽送署理印鑄大臣安興阿銀四千兩卽點該員擬止安興阿所管各處遇有行領事件伊子福森布門丁馮姓賄向承辦之人任意勒索又郎中廣善員外郎寶勳庫掌薩隆阿往來干預公事今春廣善寶勳私餽安興阿驛頭銀兩卽准廣善臨差告假派寶勳補廣善出園之差又有軍功應補曉騎校四次之人因安興阿不准挑補富堂跪喊負屈請旨飭查等語著派廣善潘祖蔭確切查明據實具奏不得稍有徇隱○以扣剋營糧革干總徐永興職交部治罪景福等失於覺察一併議處○癸丑鄧承修奏臣伏讀 諭旨恩承重華以奉命出使不能約束家丁需索致交部嚴加議處仰見朝廷馭吏恤民之至意該使臣等未能仰體 宸懷有負倚畀誠如 聖訓咎實難辭臣毋庸妄瀆但以祖 宗立法內外相維故督撫則畀以重權其如有懷奸挾詐荼毒百姓欺罔 朝廷必遣使查辦所

以伸不測之威而防畸重之勢實至重法至密也近來奉 命查辦事件有關督撫者率皆敷衍了事臣
伏見恩承等查辦東鄉數年之巨案百姓之奇冤一旦平反雖於 國家新政有裨而於奸人歛怨必多
今言者不察乃以小民一紙之呈訴據以入告 朝廷未加詰問便蒙罪責彈劾臣如臧山參廷臣如拉
朽臣恐自此以後使臣習爲畏阻遇事悉相徇隱疆吏知其易動妄生揣測輕量 朝廷長其驕恣恣肆
之心馴至內輕外重之勢臣之區區實在於此伏乞嗣後差遣使臣必須察其廉介自持威望素著者然
後畀以重任總以查事得實爲主其間有未能檢束致被彈劾者亦須俟其復 命之日始行舉辦不必
令其摧折於查事之地以快奸邪庶 國體愈尊而紀綱可肅 上諭吏部奏遵議大員處分一摺恩承
童華以特派查辦事件大員未能屏絕供應致有失察家丁需索情事僅照部議予以降三級留任處分
尙不足以示懲儆禮部尙書恩承都察院左御史童華均著改爲革職留任本日御史鄧承修奏恩承等
被劾嚴議有關政體敬陳管見一摺朝廷賞罰總期功過分明豈有中外之別使臣既有應得之咎何能
曲爲寬宥該御史奏稱俟獲命之日始可究辦亦非政體所奏著毋庸議○諭春福等奏蒙古扣輸請仍
照案辦理一摺蒙古扣輸雖係請賞領頂虛銜與捐納實職者不同惟現在業經降旨停捐所有蒙古扣
輸自應一律停止春福等請仍照案辦理之處著毋庸議○諭戶部奏遵議會國基請展緩停捐一摺所

籌款是本年停止捐輸原爲澄清吏治起見曾國荃因賑撫需款懇將京職光祿寺署正以下外省同知通判等官捐例展緩半年亦屬萬不得已爲此統籌兼顧之計但既經停捐未便照諸施行惟念山西頻年災重情形實爲近年所未有現在得雨深透補種秋稼可望有收而一切賑撫事宜尙難稍緩亦豈肯因小民稍有生機遂不力圖拯濟著照部議於部庫撥銀二十萬兩卽由該撫迅速派員赴京領回以資應用仍恐不敷接濟著再撥山東省地丁銀三萬兩安徽江西兩省鹽金銀各三萬兩湖北省鹽金銀各二萬兩湖南省鹽金銀二萬兩四川省鹽金銀三萬兩浙江廣東福建江蘇四省欠解山西餉項各提銀三萬兩共銀三十萬兩卽著該省督撫迅籌解濟不准稍有遲緩統計部庫及各省共撥銀五十萬兩曾國荃陸續領到後卽將撫恤善後諸大端督飭各屬認真籌辦務須實惠及民毋得稍有糜費餘著照所議辦理○諭刑部奏遵議四川東鄉縣案內罪名一摺此案袁廷蛟引賊劫掠罪犯應斬惟起畔鬧糧仇鬪並非叛逆眾寡民自非逆黨已革知縣孫定揚誣袁廷蛟爲叛逆致兵勇查拿妄殺黎民數百命罪坐所由實難辭咎已革提督李有恆奉札剿辦並不分別良莠確查袁廷蛟所在妄殺黎民實與疑賊逞忿故殺無異孫定揚李有恆均著斬監候秋後處決知府張裕康冉正杓始則稟請加捐繼復懇恩請兵敗壞撫局非尋常妄預官府事可比均著革職發往新疆充當苦差永遠不准釋回張裕康避

不到案著四川總督嚴飭緝獲按照辦理提督劉道宗王照南雷玉春隨同李有恆會攻喇嘛縱軍殺掠
草率冒功均著革職發黑龍江充當苦差總兵劉楚華隨同攻剿致任兵勇焚掠亦難辭咎著革職發往
軍臺効力贖罪知府王元管知縣周瀚襄辦此案始終瞻徇不行據實稟報實屬渾職均著卽行革職監
生李開邦吳芳體勒抽斗釐釀成巨案實生向若輻屈次案詐擾累平人該犯等均充開首挾嫌惡意發
兵實爲釀事之由均著革去實監發極邊足四千里充軍永遠不准釋回並毋庸查辦奏留遊擊方榮升
搜捕袁廷蛟將僧曹集迭貢受傷致服毒斃命著革職發往軍臺効力贖罪至辦理此案之前護理總督
文格兩札內曾有痛加剿洗一語且既經總兵謝恩友稟報查無叛逆情形文格並不飭令會辦仍行檄
調回省爲屬辦理和率總督丁寶楨擬罪輕縱會面諭兩司將原詳內李有恆輕視民命等語刪去追經
覆查又不悉心斟酌實屬始終偏執前兩江總督李宗鑑於雷公鳳頭二案係津武營籌辦情形未能分
晰敘明亦屬疎忽文格丁寶楨李宗鑑均著交部分別議處恩承等原議罪名不符惟請飭部詳核未經
定案均著免其議處至司業張之洞前請獎辦理此案各員等語前經定府知府易蔭芝前後各稟請
撫請兵迄無定見辦理亦屬游移業經降爲通判著毋庸議著太平縣知縣祝士榮總兵謝恩友據實稟
報尙無隱飾亦屬分所當爲均著毋庸置議○諭編修何金壽奏濫陳時弊請分別查飭一摺詳加披覽

大率以中外臣工瞻徇情面非止一端所奏自爲破除積習起見朝廷總理庶政一秉大公內而部院堂官外而封疆大吏皆素所信任過有陳奏事件情形顯然者自應隨時駁斥若必事事逆億過於吹求甚非政體何金壽所奏各節或應查辦或毋庸議不可不明白宣示倉場侍郎畢道遠失察虧短倉米經部議以分賠並照防範不嚴例降一級留任係屬照例辦理該編修所稱僅議罰俸三月自係傳聞之誤東華門外北池子匪徒搶劫一案經刑部審結將案內各犯分別發遣惟首犯李一仔尚未弋獲經步軍統領衙門順天府五城御史一體嚴拿毋任漏網向書廣壽宅內被盜傷人案犯未獲經步軍統領衙門將翼尉等奏請議處仍著勒限嚴緝案犯並將捕務實力整頓以靖地方刑部員外郎朱蔭穀因審劉金華案牽涉被控特派毛昶熙等會同刑部訊明並無藉端恐嚇等情業經照請撤去差使予以處分並非竟不參處御史鄧慶麟被控爲絞犯臈啟綸營脫罪名臈啟綸業經句決著刑部將鄧慶麟被控之案即行查議奏結兵馬司指揮韓士俊未據該堂官奏參如果實屬妄爲豈可稍事姑容著都察院堂官查明據實參奏土海係屬商人非賤役可比因承辦陵工著有微勞歷有保獎存案不爲濫保至各衙門當差人員固當考其勤惰大員子弟固不當徇情濫行保獎如果差使奮勉亦應一體獎勵若因大員子弟不准列保亦不足以昭平允道員胡光墉因左宗棠奏稱該員購辦西征軍火籌運餉項勞績與前敵無

異是以賞穿黃馬褂此次沈葆楨及周恆祺先後奏稱知府李金鏞及胡光墉等辦賑出力自爲鼓勵起見惟沈葆楨等請將李金鏞送部引見係照胡光墉所稟入告現在吏部查明核與定章不符請有更正並請將胡光墉沈葆楨議處業經照准福建職婦林戴氏以伊子林文明被殺冤抑京控三次前月又遭抱赴都察院呈訴此案時逾八年之久延不奏結殊屬不成事體著勒限三箇月責成該省督撫卽將此案秉公訊結如仍泄沓逾限不能結案必將該撫予以處分上年御史唐樹楠奏湖南各屬羣民滋事未能認真整頓當派李瀚章前往查辦旋據奏稱湖南通省地方現均綏靖邵寧豫迭次辦匪尙無貽誤至湖南提督羅大春所奏兵單添練一摺係於摺尾會李瀚章邵寧豫之銜昨已有旨詢問該督撫俟覆奏到日再行辦理前因叛將李揚才呈訴廣州將軍等文內有撫道挾詐之語當令劉坤一查奏嗣據復奏該逆因楊重雅不肯奏留西省之故所稱挾詐係屬虛誣等語是李揚才之叛不得謂楊重雅激變馮子材督軍剿賊迭兇者嚴等處巢穴並將李揚才家屬拿獲辦理尙屬得手該編修所稱劉坤一不將巡撫參劾實於辦理情形未能深悉雲南提督胡中和被參之案現經恩承等查明該提督並無含混支領勇糧情事業經賞還黃馬褂勇號著毋庸置議雲南東川府知府孔昭鈐被殺一案經前任巡撫岑毓英亦明將楊汝楫奏請治罪楊玉科並無同謀情弊業於同治十三年二月奉 旨照刑部所議辦理案結

年毋庸再議所稱楊玉科以重金交通京官爲之游說竟得免於彈奏安然赴任究竟交通者何人著何金爵指實覆奏提督王照前係四川東鄉案內應行治罪之員本日據刑部奏擬以發往黑龍江充當苦差著丁寶楨奉到諭旨後迅速解往浙江衢州鎮總兵喻俊明駐紮衢州自有職守何以梅啟照派令兼統杭嘉湖水師是否必須該員統帶抑或另行派員接統著該撫酌度情形奏明辦理至所稱各部院堂官派差保舉各省督撫差委缺大半皆徇情面吏部於議敘保案不敢執奏議處事件避重就輕刑部於議獄議罪出入任情都察院坐視欺蒙不知糾劾內外大臣於覆奏查辦事件欺罔彌縫等語該堂官及督撫等皆受國厚恩膺茲重任其中實心任事守正不阿者固不乏人而瞻徇私情者亦在所難免嗣後務當共矢公忠力除積習凡屬員差委升補等事均應秉公任使期於得人而理辦理事件尤宜查照例案詳慎妥議毋得任意重輕尤不准稍有欺飾至軍機大臣暨書樞務亦宜認真察核宏濟艱難用副諄諄訓戒至意國家廣開言路原期裨補闕失若拮据歷定之案雜以傳聞失據之詞率臆呈奏適足以淆朝廷之觀聽嗣後言事諸臣務當於重要事件有關於國計民生者盡言獻替不得毛舉細故信口詆毀致開攻訐之漸懷之慎之○乙卯諭前據翰林院編修何金爵奏雲南東川府知府孔昭鈞被戕一案總兵楊玉科以重金交通京官爲之游說得免彈奏等情降旨令何金爵將該總兵交通者何人指實覆

奏茲據奏稱楊玉科以重資開設雲豐泰銀號該總兵以邊省之人遠來京城安一隅號又以數萬金交商人李鍾銘書鋪內並與李鍾銘結交拜盟往來親暱該總兵初次入都暫住旬日卽與該商人密交又與禮部主事高蔚光認作親戚竭力應酬恣其揮霍委曲結納皆重金交通之明證等語著刑部將高蔚光李鍾銘等傳訊務得確情據實具奏至所奏孔昭鈐以拿匪被戕楊玉科楊汝楫戕殺四品大員凶悖已極楊玉科卽非主使亦係知情等語此案前已辦結該編修所稱應否查辦之處著刑部此次訊明具奏聲明請旨○諭恆訓奏特參才不勝任之協領請開缺降補一摺鑲黃正白滿洲二旗協領扎朗阿自光緒元年承管成都駐防馬廠地畝並不實心經理任令承種民人積欠租米至六百餘石之多且有私葬墳塋私相頂佃等弊該協領漫無覺察實屬辦事顛倒才不勝任扎朗阿著卽開缺以佐領降補所有廠地事宜著恆訓另派委員將歷年積弊澈底清查認真整頓毋稍含混○丁巳諭景瑞奏革員懼罪潛逃請旨拿辦一摺馬蘭鎮右營千總徐永興承領餉銀有意剋扣致被稟控聞該總兵奏參革職竟敢逃逸無蹤其子把總徐晉宸疊構伊父投水不候同往尋覓旋卽服毒身死其爲徐永興畏罪遠颺情迹顯然更難保不潛行來京著直隸總督嚴飭各州縣迅速訪拿並著步軍統領衙門順天府五城御史一體訪緝務獲解部審辦以儆官邪○稽察山西賑務侍郎閻敬銘奏辦賑已畢因病乞休允之○戊午諭戶

部奏稽查雲南運銅各員期滿請旨更換一摺雲南辦運銅斤頭二兩起業已到京現在接運三起前派沿途經理各員期滿該部查照例案將經過之廣西廣東江蘇直隸等省藩臬開列名單請旨更換廣西著派范梁廣東著派成孚江蘇著派譚鈞培直隸著派任道鎔卽責成各該員嚴飭各道府沿途地方文武員弁認真稽查催護送前進如有無故逗遛及盜竄短少等弊詳報該督撫嚴行參辦沿途應需水師照料之處卽由派出之員詳咨前途督撫及水師提督調遣仍著自奉旨之日起以三年爲限均責成此次所派之員一體經理遇有升調事故卽令接任之員遵辦期滿再行更換○李鴻章奏廣東潮州出洋商民捐賑未及請獎者請俟該地方編輯志書時將姓名事蹟一併列入允之○己未王先謙奏臣惟圖治貴協乎中除弊宜杜其漸方今聖人在上孜孜求治言路宏開誠明目達聰之盛軌也然其中流弊不可不防伏查乾隆八年七月給事中鄒一桂奏近見奉旨發議之事科道於部議未上之先攬越瀆奏徒滋煩擾應請申飭奉 上諭科道職司言路凡有見聞自應陳奏但如鄒一桂所稱攬越瀆奏則大不可嗣後遇有發交部議事件如科道不待部覆參差具奏者該部於議覆本內將伊等意見參差之處聲明請旨欽此十年六月御史范廷楷參奏御史楊朝鼎前奏豫省失盜一摺奉 上諭楊朝鼎所奏現在交議大臣等自有持平之論如果所議難行范廷楷據伊意見以爲必不可行再行陳奏未遲亦未

爲不可所謂拾遺補闕自有其時也今乃於甫經交議之際忽然參奏負氣紛爭爲此過甚之語誠鄒一桂從前所云不待部覆而摭拾浮囂攬越瀆陳者朕已降旨禁絕范廷楷猶不知之乎至於請朕撤回原摺無庸交議竟似國家政務弗資大卿誠伊等御史可以操其行止者甚屬妄誕著嚴行申飭欽此 聖訓煌煌所當永遠敬守乃近來諸臣言事頗有攬越瀆陳者臣竊謂今日 朝廷虛懷采納兼聽並觀如前月給事中臣王昕參奏朱永康一案係在部臣定讞之後雖 明旨已降弗憚更張豈不足以彰下臣納誨之忠 聖主從諫如流之美若不待部覆率爾陳詞有乖入告之體似宜 飭禁又思臣工建言原應各抒己見若待他人舉發而後從之此唱彼和流弊滋多如近日翰林院侍講臣張佩綸御史臣李璠參奏商人李鍾銘一案就本事言之李鍾銘係不安本分之市僧法所必懲就政體言之則兩人先後條陳雖心實無他而跡涉朋比此事僅爲劾一商人不足深論但恐後來者踵習成風黨援攻訐之端將由此起於朝政殊有關係伏讀 世宗顯皇帝御製朋黨論深切著明 高宗純皇帝於朝臣黨援之弊再三申諭乾隆九年二月給事中臣陳大圻鄒一桂參奏著湖北巡撫臣許容不宜復用雖允其請仍以兩人所奏相合顯有商謀扶同之處明白 飭諭 聖意至深遠也臣以爲言路不可不開亦不宜太雜可否請 旨飭諭俾諸臣曉然於 祖宗成訓萬世遵遵使正論常伸嚙患自絕庶幾受開言路之益而無

其弊 上諭翰林院侍講王先謙奏言路宜防流弊請旨飭諭以肅收體一摺國家開言路進有礙奏
事件無不採擇施行原期益集思有裨政治近來言事諸臣雖頗有挺越陳奏者念其遇事敢言亦無
不虛懷聽納分別辦理第恐無識之人以朝廷從諫如流遂致逞其私見率意上陳必至是非淆亂漸開
攻訐之端甚至此唱彼和議論紛騰亦恐激黨援之漸於風俗人心大有關係乾隆八年給事中鄒一桂
奏發交部議事件科道不待部覆擬越清陳徒滋煩擾欽奉 諭旨訓飭自宜永遠遵守嗣後言事諸臣
於政事闕失民生利病仍當各抒所見剴切敷陳至交部議奏之事不得率爾挺越陳奏更不得以雷同
附和之詞相率瀆陳致滋流弊用副實事求是之至意○福州將軍慶春因病乞休允之以蔭調署為福
州將軍○庚申以熱河道吳謙督捕出力賞二品頂戴○以貴州候補道羅應廡發往直隸交李鴻章差
委○頒給山西解州 關帝廟汾西縣 八蜡廟陽高縣 龍王廟臨猗○辛酉諭都察院奏遵查坊官
劣跡昭著請旨革職一摺北城正指揮韓士俊身任地方之責不知加意檢束乃敢遇事銷張勒派錢文
白製匾額及為民衣傘又任意票傳職官並違禁挾優觀劇以資缺人員充當 萬年吉地工程延供事
差使實屬任性妄為韓士俊著卽行革職以儆官邪巡視北城給事中舒鑾余上華毫無覺查未能先事
糾參亦有不合均著交部議處○壬戌諭御史段福昌奏請嚴查倉役以杜虧短一摺京通各倉關係天

庾正供豈容顆粒虧短乃近來該花戶等輒敢盤踞把持乘機侵盜實屬不成事體嗣後著倉場侍郎實力稽查倘再有前項情弊卽行從嚴懲辦至招募倉書花戶務當查照向章令該州縣取其鄰右切結保送遇有案犯一併根究治罪以重倉務○允沈葆楨請予故福建臺北府知府林達泉安徽廬州府知府李炳瀚事蹟交國史館列入循吏傳○追予新調陣亡庫車辦事大臣薩凌阿等祭葬世職○癸亥李端棻奏古來聖君賢主以至我朝列祖列宗無不以開言路爲急以閉塞言路爲戒近來歷論臣工盡言闕失仰見皇太后皇上實有樂聞直言之意卽軍機大臣及各部院大臣等仰體訓諭集思廣益亦皆有願受善言之誠乃侍講王先謙所奏忽謂言路不可太雜宜防流弊謬以朋比難撓爲辭此摺一上衆論譁然方今朝廷清明大小臣工奉公守法安有朋黨竊思進言在下而謬言在上可行者宋之不可行者置之自有聖裁何慮其雜伏讀此次諭旨云實事求是曷勝欽服臣下進言但論其是與不是實與不實耳豈有憑空逆億加以黨援攻訐之名者哉恭摺世宗顯皇帝御製朋黨論所傳者面折廷爭也所斥者默無獻替也所深惡者蒙蔽人君之耳目也然則進言者自非朋黨阻直言者乃眞朋黨也該侍講藉朋黨之名以箝制言路之口是以世宗御論所是者爲非以世宗御論所非者爲是藉祖訓以舞文肆詆譏以惑衆是非淆亂莫甚於此熙朝二百餘年來每遇條陳彈劾有

先後交章論奏者矣有曰具奏者矣有聯銜具奏者矣事所常有例所不禁從無此人既言即不許他人再言之理如該侍講之說以後條奏事件愈見相同者則可輕爲攻訐總之欲使言官不能啟口而已雖諭旨仍令剴切敷陳而言者恐觸法網跋前疐後其孰能盡言乎且近日已奉諭旨訓飭言事諸臣本無流弊該侍講乃敢別造謬說阻塞言路意存蒙蔽其居心實不可問此風亦斷不可長誠恐相率效尤舉朝緘默畏罪不言則從此羣臣之賢否天下之利弊朝廷無由得知蒙蔽主聰聰愚不可勝言可否仰懇 乾綱獨斷將該侍講立予斥革治以故違 祖訓之罪以爲妄逞譏說者戒 上諭御史李端奏芳言亂政請旨懲戒一摺朝廷日理萬幾惟恐政事偶有闕失迭經諭令有言責諸臣各抒所見以備採擇近來言事諸臣洞悉利弊切實陳奏者固不乏人而撫拾吹求率意瀆陳者亦所不免雖是非可否朝廷自有權衡若每過一事或各執一說議論煩興或隨聲附和相率瀆奏衆口紛騰亦足以淆觀聽至黨援攻訐之風乃前明黨諫惡習我朝向無此等風氣然亦不可不防其漸侍講王先謙前奏言路宜防流弊所見未嘗不是是以降旨宣示且仍令言事諸臣於政事闕失民生利病剴切敷陳言路何嘗阻塞乃李端奏輒以王先謙爲芳言亂政並請將該侍講立予斥革治罪措詞過當適開攻訐之漸所奏殊屬冒昧著毋庸議嗣後言事諸臣仍當遇事直陳不得自安緘默亦不得稍存私見任意妄言其負

諄諄誥誡至意○追予新疆南四城州縣領隊大臣克托布等祭葬世職○甲子編修李用濟貴州補用道凌彝銘發往山西交張樹聲委委○頒給直隸任邱縣 龍神廟匾額○乙丑以 普祥哈萬年吉地 普陀哈萬年吉地工程告竣予悼親王奕誥等優敘○欽奉 慈安端裕康慶昭和莊敬皇太后 慈禧端佑康頤昭豫莊誠皇太后懿旨醇親王奕譞奏懇裁撤差使家居養病一摺醇親王奕譞病疾未痊卽著安心調理所有神機營一切事宜著毋庸會同商辦以示體恤一俟病體稍愈卽行具摺請安○諭吏部奏遵議東鄉案內大員處分一摺前護理四川總督二等侍衛文格革率定案於帶兵員弁縱兵焚掠噶匪不參三品頂戴革職留任四川總督丁寶楨罪輕縱並面諭兩司將原詳刪改始終徇私均著照部議革職前任兩江總督李宗羲於飭查事件未能分晰敘明著照部議降一級留任不准抵銷丁寶楨平日勇於任事操守尚好惟其性稍褊急遇事操切太驟是其所短四川吏治廢弛風氣浮靡該督到任後竭力整飭不避怨嫌且於鹽務力排眾議變通辦理規復漁鰥引地卽爲復還淮岸之計自應責成一手經理以觀後效丁寶楨著加恩賞給四品頂戴著理四川總督該署督當仰體朝廷獎錄用之意於力求整頓之中仍勿操之過嚴凡用人行政一切虛心體察實事求是務令吏治奮興商民樂業方爲不負委任倘辦理無效辜負殊恩必當重治其罪悞之慎之○內寅諭廣壽潘祖蔭奏遵查總管內務府

大臣安興阿參款情形一摺據稱御史鄧慶麟原參連陞助喇薩隆阿謀缺一節內務府揀選銀庫郎中原單所開俸深及京察一等人員甚多連陞俸僅二年又非一等且該員前在銀庫任內曾因朦混具稿撥銀革職安興阿遽將該員擬正茲據覆稱一等人員經管煩要處所難於揀選各處庫掌無薩隆阿其人原參安興阿之子福森布與門丁馮姓勒索一節咨行安興阿將馮姓看守並咨內務府派役押送日久始據安興阿覆稱馮姓於去歲因瘋辭工找尋無著內務府片稱據安興阿聲覆馮姓自奉文看守即不知去向原參軍功應補騎校職屈一節據選原單有馬甲鳳安之名當經傳訊據該佐領圖片覆稱泰安患病不能動履該馬甲旋即投案並無患病情事原參廣善臨差告假安興阿派派寶勳補差一節查係屬實等語薩隆阿有無其人著內務府詳查咨送廣善等核辦至家人馮姓既早經辭工安興阿何以遲至多日始行具覆且內務府據安興阿覆稱馮姓不知去向在奉文看守之後與安興阿覆文不符其中似有不實不盡一等人員既經管理繁要處所何以揀選銀庫又以一等人員擬陪銀庫尤關緊要又何以將會在該庫獲咎之連陞率行擬正鳳安保案係以騎騎校儘先即補安興阿覆稱鳳安應補本佐領下騎騎校之缺與原保奏案不符該旗佐領担報鳳安患病情弊顯然以上各節著安興阿逐一明白回奏并將家人馮姓即行交出不准稍涉遲延待衛福森布郎中連陞廣善員外郎寶勳均著暫行

解任聽候傳賢○丁卯以福建紳士候選道林維源捐輸鉅款助賑賞三品卿銜並一品封典○戊辰

萬壽聖節 上御太和殿受賀○頒給河南封邱縣 關帝廟 城隍廟匾額○以桂昂爲內閣學士○

庚午 上詣 大高殿 壽皇殿行禮○辛未沈葆楨奏恭讀 諭旨令臣會議倉場侍郎桂清畢道遠

修治運河一摺原奏有漕省分應酌提漕項若干一節查寶屬起運光緒二年分冬清以漕項開發運費
因沿途起辦沿途挑漕處處周折各短數萬金數千金不等惟光緒三年極力節省二萬金撥充管餉賑
需則 恩准暫行海運之所致也蘇省運費亦逐年不敷耗鉅全賴濟庫挪款墊用若再令分撥數成無

論河運海運均將束手河未修而漕先廢矣安徽係北漕省分亦有漕項盈餘而京餉出其中協餉出其
中本省軍餉出其中以盈補絀尙難相抵並非有提存的款以待不時之需今若取之於民民不堪命若
將京餉協餉停解參庭隨之扣彼注茲計惟有裁勇之一法夫設防如故又值年穀順成伏莽尙不時伺
隙而起倘一旦藩籬盡撤良懦無從依附宵小因而生心雖智者不知所以善其後也原奏江浙兩省能
否將海運糧石各分出十數萬石辦理河運安徽下屆漕糧能否起運本色若干並運米船隻能否多僱
一節查蘇省辦理海運已苦經費不敷再令會易趨難更從何處挪款安徽之窘甚於江蘇力不從心不
言而喻欲其起運本色也甚難本屆江北漕船六月尙未儘數渡黃空回更不知何日卸事竣僅令南返

盤踞守凍輒朽過半或冒險求速飄海散失各船戶前鑒具在下屬欲勉符舊款勢須多方勸勉招集方得成行更於此外求多恐百呼而無一應者矣原奏運河宜如何設法修濬將全河形勢一併詳細查明議辦一節查全河詳細情形臣未親履其地無由臆斷但以大勢揆之前人之於河運皆萬不得已而後出此者也漢唐都長安宋都汴梁會河運別無他策然屢經險阻官民交困卒以中道建倉伺便轉餽而後疏失差少元則專行海運故終元之世無河患焉有明而後汲汲於河運遂不得不汲汲於河防運方定章河忽改道河流不時遷徙漕政亦隨為轉移我朝因之費既踵事而增獷悍游食之徒萌孽其間所謂青皮惡安清道友者引類呼羣恃眾把持成固結不可解之勢前兩江督臣陶澍營之乃創為海運之說明以節省經費貽以消患無形蒙宣宗成皇帝允行而漕政於窮無復之之時藉得維持不敝迨髮捻事起此輩潛入其中南北漕平消磨殆盡雖關市鎮尚有此等名目然無大淵藪以容之偶或有伍成羣良有司足以治之矣是河運所可慮者又不僅在經費也原奏運河貫通南北漕艘藉資轉運兼以保衛民田意謂運道存則水利亦存運道廢則水利俱廢然無漕省分水利亦關民田命脈未嘗敢任其廢弛臣竊以為倉運道而籌水利易兼運道而籌水利難何則就下者水之性也必使貫通南北不能復聽其就下矣不聽其就下則事事皆以人力為之費用不貲利亦大減且民田之與運道尤勢不兩立

者也兼旬不雨民欲啟涵洞以灌漑官則必閉涵洞以養船於是而挖堤之案起至於河流斷絕且必奪他處泉源引之入河以解燃眉之急而民田自有之水利且輸之於河農事益不可問矣運河事將漫溢官不得不開堤以保堤婦孺臥塲頭哀呼求緩官不得已於深夜開之而堤下民田立成巨浸矣東境河道經撫臣隨時飭屬挑浚地方官未必全無天良其所以旋浚旋淤者則借黃濟運之害爲尤烈前淤尙未盡去下屆之運已連橋接船而來高下懸殊勢難飛渡於是明知借黃之非計而舍此無以資運送又自計逆水之性强令就我範圍致前修之款皆空本屆之淤復積部臣所謂歷年興修均以隨時挑挖逐段疏浚爲樞宜補苴之計者誠洞見癥結之論不可不思患豫防者也議者太愚於經費之無拮据艱之不備致此舉之不成臣竊以爲使道光年間歲修之銀與道光年間官造之船至今一一俱存以行全漕於借黃濟運之河未見其能達也蓋江北所儲船隻其不及從前糧艘之半然必俟黃流泛漲且竭千百勇夫之力以挽之通數十船而淤復積今日所淤必甚於去日而今朝所費無益於明朝若使船大且多有所施其技乎且懷乎其不可犯者大河之性也近因西北連年苦旱來源不旺遂乃狎而玩之物極必反設令因濟運而奪溜北趨則畿輔受其害南趨則淮徐受其害如民生何如國計何得旨該

部知道○壬申以孟秋時享 太廟 上前期親詣行禮

秋七月乙亥以崇禮爲內閣學士○田翰墀奏京師爲首善之區司坊有親民之責而近來五城司坊各官多由捐納出身其公事勤慎者固不乏人而行止卑污者指不勝屈上年南城司之牛祥麟以乖謬革職近日北城司之韓士俊以劣蹟革職他如濫押屍親多方婪索傳聞不一嘖有煩言推原其故皆由躬未澤以詩書故行同市儈冀其潔己愛民能乎否乎臣愚以爲捐納五城兵馬司正指揮暨吏目等例請一併停止其餘由供事吏員出身者悉予外用並請飭下吏部將正副指揮一項倣照考試國子監學正學錄章程專由舉人考取歸部銓選其臣目一項准由廩增附各生報考錄用至現任司坊等員實成該城御史隨時稽查如有不公不法情事立予嚴參上諭御史田翰墀奏請將司坊各員改用正途等語著吏部議奏○田翰墀奏臣查定例凡鄰省督撫及欽差大員過境在離城一二里地面以內者准地方官前往送迎不得過二里之外又新任督撫入境司道准差人於本省境內迎接府廳州縣許於本管地面十里內躬迎定例甚嚴宜如何恪遵勿越乃臣風聞近來直隸司道大員率同在省各員每逢大員過境或於省西相距二十五里之大汲店或於省北相距二十五里之清河店及省東相距四十里之板橋村迎接以致現任州縣紛紛效尤無不越境送迎在於鄰封地面駐候又歷年冬間督臣李鴻章由津回省武職各員有送至距省一二里之白溝河及任邱大城等縣者甚至候補道府州縣於督臣啟行

前迎至津郡者似此不憚遠行極力迎合盛公事於不問疲驛馬而不恤長奔競之風啟黃緣之漸官方吏治安望有起色乎況近來過境大員往往家丁需索未始非官員一意容悅有以啟之也 上諭御史田翰墀奏官員越境迎送上司請飭嚴禁一摺據稱近來直隸官員每逢大員及上司過境相率迎接並有越境迎送者似此習爲奔競恐起黃緣之漸等語著直隸總督嚴飭所屬嗣後大員及本省上司過境不准越境迎送倘敢仍蹈故轍卽藩臬參懲辦並著各直省督撫一體嚴禁以杜奔競而肅官方○丙子先是朝鮮國原任太師李裕元奉使來華直隸總督李鴻章歡揣朝鮮安危關係中國與李裕元往來書信中略示外交方略時朝鮮屢拒泰西各國立約通商之請迨光緒四年日本迫立通商條約泰西各國羣譏其後東方局勢變動經前福建巡撫丁日昌暨總理各國事務衙門將籌畫情形先後奏聞至是諭軍機大臣等總理各國事務衙門奏泰西各國欲與朝鮮通商事關大局綏密陳等語日本朝鮮積不相能將來日本恃其詐力逞志朝鮮泰西各國羣起而謀其後皆在意計之中各國既欲與朝鮮通商倘藉此通好修約庶幾可以息事俾無意外之虞惟該國政教禁令亦難強以所不欲朝廷不便以此意明示朝鮮而顧念藩封又不能置之不問據該衙門奏李鴻章與朝鮮使臣李裕元曾經通信略及交鄰之意自可乘機緩爲開導在該督必不肯輕與藩服使臣往來通問而大局所關亦當極衡輕重著李鴻

軍查照本年五月間丁日昌所陳各節作為該督之意轉致朝鮮俾得未雨綢繆潛弭外患○戊寅諭左宗棠奏甘肅東南各州縣地震情形現籌撫恤一摺甘肅階州等州縣於本年五月初十日地震至二十二日始定其間或隔日微震或連日稍震即止惟十二日階州文縣西和等處大震有聲城堡廟宇官署民房率多傾壞傷斃多人覽奏實深矜憫著左宗棠委員詳加察勘將被災戶口妥為撫恤毋任失所階州教諭韓尊孔訓導渠遇寅合家眷屬被災陷沒著即查明請卹左宗棠以奉職無狀請旨立賜罷斥其見遇災害過之意該督惟當實深儆惕盡心民事俾地方又安閭閻樂業用副委任所請立予罷斥之處著無庸議○辛巳諭李鴻章奏直境被水各屬秋成失望請撥漕糧賑撫一摺本年夏秋之交雨水過多直隸之安州雄縣等處田禾淹沒小民蕩析離居實堪憫惻加恩著照所請所有本年江北漕糧即由李鴻章就近截留六萬石查明災分輕重酌量勻撥並嚴飭各該地方官核實分次散放務令實惠及民不准絲毫弊混其隨漕輕費等項銀米並著飭令江安糧道照數扣出一併解直俾資運糴○臺灣防務需人何璟奏調前福建布政使降調道員陳士杰允之○壬午兵部侍郎郭嵩巖以病乞休允之○予故甘肅提督李輝武建祠○癸未諭前據翰林院編修何金壽奏雲南知府孔昭鈐被戕一案總兵楊玉科以重金交通京官為之游說得免彈奏該總兵開設雲鹽泰銀號與高蔚光等交結往來等情當諭令刑部

將高蔚光等傳訊具奏茲據奏稱將禮部候補員外郎高蔚光及雲雲秦銀號商人王體乾徒犯李鍾銘詳加嚴訊均供並無其事何金壽所奏孔昭鈐以拿匪被戕楊玉科楊汝楫挾眾仇法該督撫曲爲開脫等語與原案情節不符且該編修所稱楊玉科交通京官各情既因圖脫罪名起見此案當以楊玉科曾否同謀知情戕殺孔昭鈐爲緊要關鍵請飭覆查等語劉長佑杜瑞聯均先未承審此案無所用其迴護著卽會同詳查孔昭鈐被戕實在情形並楊玉科究竟有無同謀知情及交通京官開脫罪名情事澈底根究訊取確供秉公定擬具奏不得因案已審結稍涉遷就○以許應駁爲兵部左侍郎○以知府熊壽山知州德福發往廣東交劉坤一差委○乙酉 上詣 慈寧宮行禮○丁亥予福建總兵吳世忠祭葬○戊子以福建船政局仿造鐵甲輪船康邦機器著有成效予道員許齡身等獎敘有差○諭御史卹純嘏奏關吏需索留難請飭嚴禁等語本年值鄉試之期多士雲集乃據稱齊化東便等門書役竟敢有任意需索留難等情實屬不成事體著宗文門監督申明舊章出示曉諭士子應帶箱隻若干除應納稅物件照常納稅外如查無違禁之物立即放行不准稍有需索留難其尋常行李往來帶有貨物亦祇准照例納稅不得格外需索倘再有前項弊端一經查出告發卽將該委員書役等分別參處治罪并稍徇縱○諭御史卹純嘏奏請飭積穀備荒一摺近年山西河南等省迭被旱災今歲入夏以來驟沾透雨各直

省雖晴雨尚調秋成可卜惟蠲歛無常自應一體及時籌辦積穀以備不豫著各直省督撫酌量情形蠲收地方仿照常平社倉之意飭令民捐民辦一鄉中積有成數各存殷實之戶不准吏胥經手並毋任稍有勒派以杜擾累而厚民生○己丑 上詣 奉先殿 壽皇殿行禮○張之洞奏六月以來金星晝見雲氣有異五月中旬甘肅地震爲災川陝毗連同時震動東至西安以東南過成都以南縱橫幾二千里臣維金星主占迴非歲星爲福德者可比合觀兩事不可謂非 上蒼之示儆也方今 兩宮皇太后皇上敬 天愛民 憂勤國治凡具有耳目心知者無不深知無不感戴實不應有召致災沴之事然而臣職未盡修民困未盡蘇外患未盡息伏望 聖心益加寅畏 堂廉交儆 勅戒羣臣洗心奉職以迓天庥約舉數端敬爲 皇太后 皇上臚陳之一曰納直言修德之實在修政而修政必自納言始謹按洪範五行傳謂居聖位者允宜寬大包容而備舉歷朝地震諸異以爲戒仰維 聖哲如天用人行政何一不權度精審獨是 萬幾至繁也九州至廣也 法宮高遠 見聞或有未周卽樞府諸大臣密勿勤勞思慮或有未盡拾遺補闕宜得其人語曰 君明則臣直若非實見 皇太后 皇上仁智聰明至誠求治誰敢言者非宣力罄臣恪稟 宸謨不敢如前代大臣作威攬權壅蔽言路誰肯言者夫懇直激切之言或不干 譴怒而招怨必多於 國則利矣於身何利焉愚則愚矣謂非忠乎古文尙書云言逆

於心必求諸道言遜於志必求諸非道故直言者在 朝廷則芻蕘也在大臣則藥石也雖無可採亦不
訶實既足彰 聖人善善從長之懷並足見大臣休休有容之度昔者堯設謗木禹懸招鐸至今不聞道
堯禹之失但聞稱堯禹之聖鄭鄉學論執政然明欲禁之子產不許漢諸葛亮誠其屬吏曰勤政吾闕明
王守仁誠其屬吏曰願聞已過由今思之論政者傳乎抑子產傳乎攻訐之闕規守仁之過者傳乎抑堯
與守仁傳乎宋唐介劾文彥博仁宗怒介彥博解之由今論之唐介賢乎抑彥博賢乎如過上意不憚樞
臣職在獻替亦當委婉開陳從來一家有急則聚族謀之國事多艱則舉朝憂之固當以爲職我不當以
爲難我也誠恐無識之人見 陛下屢下深懷可畏從此怵懼緘默不幾因噎而廢食乎伏望 朝廷過
有直言俯加優容以求忠讜此修政之首務也一日肅臣職 臣維地道臣道也春秋地震必誦書之傳義
以爲責在臣下邇來中外臣工習爲疲玩或 上有德意而不能宣布或 詔令已下而未見奉行或展
蒙 教戒而怙過不改即使敷衍支吾幸免吏議求其真能仰體宵旰憂勤關心 國家大計請求利病
隨拔人才者頗罕其人且比年習氣往往有大員奉 旨貶黜而督撫旋即 奏調者有大員謫戍未久
而邊 臣旋即設法乞 恩者有大員奉 旨來京另候簡用而旋即引疾竟不入京者卽曰人才可惜何
妨稍遲歲月俟 朝廷果不錄用再列薦章卽曰志在退閒何不俟入 都展覲後再爲陳請竊思送部

引見者皆避不到部吏議暴嚴然則候簡者亦事同一律乎循此流弊必至惟感臣門之私恩而不復知朝廷之威福既往雖可不究將來不可不防伏望大振乾綱務期將此弊令行禁止蓋當修之政非止數端可盡惟令羣臣咸體聖心聖尤懷朝命自能竭智盡力以求各舉其職者不勞朝廷之事事教督矣一曰厚民生謹按周易大象曰山附於地剝上以厚下安宅程子傳曰山而附並於地地剝之象居人上者觀剝之象則安養民人以厚其本乃所以安其居也甘肅地震處所山圯地裂止與易義有合竊惟固邦本養民生今日約有二義一在獎廉吏朝廷養民之生計不能事事爲謀惟官吏廉潔自然隨時培養良懦受惠自古來養民之道言興利者撥而無終求徼以者逸而有功伏者聖祖之朝優獎清官擢舉廉吏之詔不可勝紀所以吏治蒸蒸康阜降穢比於三代方今宦途日雜能吏雖多廉吏頗少病國以肥身家剝民以媚大吏民生日蹙職此之由擬請刺下各省督撫訪察屬吏清操卓著者露章保薦時加獎擢以風其餘一曰省濫稅查抽釐之舉側項所資勢難裁罷然在朝廷所取者有制局員苛索者無窮食用瑣屑亦加估權不守舊章日增月盛乾沒之數少者等於官收多者三倍不止故外省營謀釐差與得缺等三江兩湖川廣諸省因員役暴徵鬧局釀案者不一而足商困民愁禍基不淺欲救今日之弊不在減局卡而在禁私徵伏請嚴飭各省督撫認真察禁勿見小利籌一妥

籌章程竟比較之數慎任用人以約束稽核之樞付之該地方府州縣官庶幾弊可少息而民可少安矣一日謹河防史傳所載太白爲變亦或主水今年黃河伏汛甚猛河南省城外險工可危夏間清江浦一帶奇風爲災黃河故道民居吹壞無數或是河將南徙地氣先動之徵設有不虞不獨汴城魚鱉再費帑金千萬無益於事目前幸免無患秋汛不可不防擬請 諄諭東河總督河南巡撫早籌萬全勿惜工費或於險工處所相度水衝於大堤內數里之遙急築月堤仿堵築決口之法挑挖引河一道因土爲堤所挑引河令其東趨於十里內外仍令歸入大河萬一有變決流必順引河東下省城可保或照此引河月堤之法作於北岸則溜勢可分不至南決即使今歲安瀾而汴省地形太窪黑岡口溜勢太險將來恐亦未嘗無益此事關繫汴省全城民命此工除 帑金外仍可兼資民力當非難成可否 勅交該省督撫酌度籌辦以上各條不過微臣一隅之見推廣做惕惟賴 聖明 上諭國子監司業張之洞奏請修省以弭災變敬陳管見一摺本年六月以來金星晝見五月中旬甘肅地震爲災陝省毗連處所同時震動自應恐懼修省以弭災沴著在廷諸臣有言事之職者於政事闕失民生利病懷遵歷次諭旨剴切敷陳用備採擇至中外臣工務當振刷精神實事求是毋蹈因循疲玩之習如有因事獲咎者非平時官聲卓著之員各該督撫均不得奏請調遣及乞恩釋回其來京另候簡用大員引疾歸田朝廷原不欲

故爲逆億第該員等受恩深重病體痊愈卽應赴闕候開豈可稍耽安逸自外生成小民生計全在廉潔之吏隨時培養近來官途頗廉吏罕聞甚至有病國以利身家剝民以媚大吏民生日感職此之由著各該督撫認真訪察秉公舉劾屬吏中如有清操卓著者卽當據實保薦特加獎擢以風其餘各官廳卡餉項所費雖未能一體裁撤亦應嚴禁苛索以恤商民該司業所構覈比較之數慎任用人以約束稽核之權付諸地方府州縣官等語著各該督撫酌度情形妥籌辦理又據構本年河汎甚猛河南省城外險工可危請築月堤並挑挖引河以資保衛一條著河東河道總督河南巡撫會商妥辦摺內所稱地震情形東至西安以東南至成都以南等語何以未見丁寶楨奏報著該督查明據實具報○以張銑爲廣東按察使○庚寅以勸賑集成鉅款予前福建巡撫丁日昌優敘○辛卯諭給事中胡聘之奏近來京控案件甚多皆因各省督撫司道衙門遞呈非有代書戳記者不收而代書寫呈動輒需索銀錢以致無力小民含冤莫申紛紛來京越訴請飭嚴禁等語小民呈送呈詞豈容代書需索刁難若如該給事中所奏急須嚴行懲治著各直省督撫轉飭司道等一體嚴禁如查有代書需索等弊立即從嚴懲辦以恤民隱○諭給事中胡聘之奏匪徒掠賣人口請飭訪拿重辦等語據構湖北安陸府屬之鍾祥大門京山等處向有匪徒掠賣人口名曰國戶該處左近婦女多被誘拐甚或糾眾擄掠勒令收贖否則徑行轉賣并與

衙役地保狼狽爲奸等情匪徒誘拐人口荼毒鄉民實爲閭閻之害此等情形恐該省各屬亦所不免亟應嚴拿照辦著湖廣總督湖北巡撫嚴飭各屬實力訪拿務將此項匪徒悉數弋獲從重懲辦以戢奸宄而靖地方○諭沈葆楨奏營員逞兇挾制業經正法請將該營上司革職一摺江南已革常州營左軍千總虎翼林前因巡防不力撤任疑爲游擊何天麟密稟所致輒敢辱罵長官希圖挾制並改攜帶洋鎗任意拊鬧兇惡已極業經沈葆楨將該革員正法實足以昭炯戒儘先補用副將常州營游擊何人麟於該營屬員無賴至此不敢據發竊屬畏縮無能難資表率著卽行革職以示懲儆○以盧士杰爲江甯布政使陳士杰署福建按察使○以辦理河工革率偷減革知州李樹讓等職○壬辰諭杜瑞聯奏請將劣紳革職提訊一摺雲南在籍賓州補用知府李文運前曾委辦招舉事務告退後輒執發交文冊抗不繳還並私刊戳記擅收租穀追奉提訊又敢恃符抗傳竊屬藐玩李文運著先行革職提督審訊按律究辦○黃元善奏在京旗人生齒日繁自兵餉改成以來生計尤形困乏近雖蒙 恩加至四成以上仍覺不敷養贍臣昨閱邸抄吉林將軍銘安等奏查明伯都納邊北開荒一片聲明接准戶部咨覆議令多招餘閒以爲異日移居閒散之地臣愚以爲與其將來移指邊防何如今日先行量移內地與其開闢外未闢之土其墾治難爲工何如開內地新荒之田其耕種易爲力查本年六月間山西撫臣曾國荃奏稱該省所

屬澤潞蒲絳解各府州荒田太多現在設法招墾等語竊以山西被災爲時太久爲地太廣本省未必有可移之民至與陝西河南直隸毗連之處又復同時被災民多轉徙鄰省亦未必有可招之戶因思前山西升任撫臣令協辦大學士沈桂芬曾奏籌撥移屯旗丁疏內稱上策移屯邊防中策聽往各省謀生等語夫謀生之道自以農商爲要現在山西各屬無主荒地所在多有招徠雖亟承墾甚稀如及時移撥旗人分往耕種似爲變通盡利之策顧說者謂旗人生長京華安居已久驟令遷徙風土多不相宜不知邊外苦寒或者難於服習至晉南地方道里非遙氣候較暖與京師諒無大異說者又謂旗人習於養養艱於力作且多農務未諳菽麥不辨不知坐食有餘則惡勞而好逸資生不足則亦知降心以相從始或畏其難而不樂終且獲其利而相安說者又謂移墾邊荒可以聚屯一處分往內地則滿漢雜居恐有不便不知近畿州縣旗人務農者多與漢民相安已二百餘年何獨於山西別有顧慮說者又謂一經移撥費用繁多不知建長策者不狃目前作良謀者不恤重資且經費雖耗於一時而利益實貽於萬世又查沈桂芬奏稱移之內地資給可以從省等語係專指願往謀生者而言若撥令耕種似當與邊屯一體同優所有資給一項應請倣照道光初年移屯口外雙城堡舊章辦理並請 加恩凡移往者除一切資給外其每月兵餉准於十年以內照舊給領以爲備傭農師之費十年以外再行停支該旗人撥往以後所有

一切章程卽由戶部查照沈桂芬所奏請照商籍軍籍例編爲旗籍等因酌量核辦夫人情每難與慮始易於觀成當此生計窘迫之時但使妥爲布置則樂從者多內地無久曠之田正供無短徵之額司農無仰屋之歎旗人無守株之虞一舉而四善備焉至江蘇安徽浙江等省前清已十五六年之久而奏報糧糧摺內歷以熟田尙少爲詞足見東南荒地不少倘無人耕種殊與額賦有虧可否由該督撫等一併查明移撥之處伏乞 訓示遵行 上諭御史黃元善奏山西江蘇等省荒地甚多請旨飭查籌撥旗人耕種一摺著戶部會同八旗都統妥議具奏○癸巳諭崇厚著作爲全樞大臣便宜行事○鄧慶麟奏捐捐之開原屬萬不得已之舉其中流弊早在聖明洞見之中本年停止捐輸中外臣工欽感莫名惟自開捐以來歷有年所弊竇叢生不勝枚舉雖屢經諸臣指摘而其中之隱巧猶有未盡除者近風聞捐納部屬人員有於分部後又捐一外任官階以爲取巧捷徑意爲京官幸得補缺便將外官潛行註銷若外官輪運到班卽赴吏部註册投供並有多方謀保花樣得保後始行呈明出署推其敢於如此取巧者蓋恃不卽取結註册故吏部之官册猶係京官而本衙門之攷察亦難周知似此肆意朦混紊亂官方斷非公正自守之士請 旨飭下戶部確查此等人員於捐案核准後卽速分咨吏部及該員行走衙門令其所改之官赴部註册不得故意遲延仍在原衙門行走以爲謀保地方倘經此次查辦猶敢取巧朦混別經

發覺卽照例議處以爲玩視官方者戒 上諭御史鄧慶麟奏仕宦朦混取巧請飭查辦一摺據稱近聞捐納部屬人員有於分部後復捐外任官階或俟京官得缺後卽將外官註銷或外官輪選到班卽赴吏部註册並有謀保花樣得保後始行呈明出署者請飭確查辦理等語職官朦混取巧自應嚴行整飭著戶部查明此等人員倘捐案核准後卽速分咨吏部及該員行走衙門飭令將所改之官赴部註册不准仍在原衙門行走以杜取巧及爲營謀保舉地步倘查辦後猶敢任意朦混別經發覺卽將該員懲處以示儆戒○出使德國大臣李鳳苞請以道員徐建寅爲二等參贊從之○諭御史鄧慶麟奏軍機章京不宜仍在本署當差等語滿漢軍機章京係以本衙門額缺承辦軍機處事務其升遷等項悉由本衙門堂官註考並無不准仍兼部務之例嘉慶十一年欽奉 諭旨軍機司員內其辦事勤慎又能兼部務者自當列之上考其祇在軍機處行走而於部務未能諳習者本衙門堂官不得意存遷就濫行保薦軍機大臣尤不得授意各部院堂官扶同薦舉 聖訓昭垂遵行已久鄧慶麟以前未悉奉有 諭旨率意瀆陳所請著毋庸議○乙未甘肅銘奏各部院書吏不過供奔走書寫之役例無頂帶役滿後雖准以從未咨部簽掣亦必令回籍候選不准潛住京城可知役尙未滿之時固不准另有官職也卽由他處酌保官職亦應飭令離署以免混雜乃聞近年來各部院書吏有列保官職者有由官職復保升階至二次三次而

不令離署者夫書吏固有勞績原未嘗不可列保但既保官職則直成爲官矣以官員而仍充書吏將以書吏遇之乎以官員遇之乎查各省將軍辦事者例有筆帖式各省督撫差遣者例有委員今以書吏註名官籍竟自比於筆帖式委員之類不但體制不合且恐特符擅騙聲勢愈張遇事把持約束不易名器之濫流弊之多莫甚於此況朝廷方有停捐營政原期整飭紀綱若仍復濫保市恩是上以冀求下以名應亦復不成政體上諭御史甘肅銘奏各部院書吏凡係有官職者請一律勒令離署既保官職復遞保升階者概將保升之案撤銷並嗣後書吏既保一次者不准再保等語著吏部議奏○甘肅銘奏恭讀欽定章程乾隆二十八年奏准嗣後秋審屆期刑部將各省招冊於十五日以前卽分發各衙門俾得從容繕閱庶獄獄益昭慎重嘉慶七年仁宗睿皇帝諭曰嗣後此項招冊著該部飭司於秋朝審上班十數日前分送大學士九卿科道以便伊等細心研勘二十一年又奉 上諭秋獻大典與議各員自應悉心詳核嗣後刑部堂議著較向來移前數日其招冊亦可趕早分送俾得從容核閱以昭詳審等因仰見大聖人明慎用刑不厭精詳至意成憲昭垂永爲法守該部自應恪遵定限如例舉行乃聞近年來積久生玩任意遲延每屆 朝審之期該部往往於上班之前一日始行咨送次日各衙門上班始見招冊夫人命至重一緩一實出入攸關各直省冊籍浩繁斷非倉卒所能校勘今以數十百起之案

一面勘册一面書題不特情罪無暇推求卽省分姓名亦不及逐卷編閱所以近年上班各衙門從未有單銜具奏一案平反者職是之故也 朝審大典視爲具文殊非朝廷立法本意相應請 旨飭下刑部嗣後秋審確遵定限務於上班十五日以前將招册咨送各衙門以符舊制 上諭御史甘肅銘奏近年秋訊招册咨送太遲請飭部恪遵原限一摺據稱近年以來每屆朝訊之期刑部往往於上班之前一日始行咨送招册以致各衙門上班不及逐卷編閱詳細推求等語秋訊咨送招册向有定限嗣後秋審屆期著刑部恪遵定限於上班十五日以前將招册咨送各衙門以符舊制○諭已革指揮韓士俊前由榮祿派充 萬年古地工程處差使經何金壽參奏後由都察院奏參革職茲據御史甘肅銘奏榮祿循情濫調且經都察院行查該大臣含混移覆請治以應得處分等語著都察院堂官將前次如何行查及榮祿如何移覆有無含混之處據實詳晰具奏○諭廣壽潘祖蔭奏查訊大員被參各款先行擬結一摺據稱御史鄧慶麟奏參總管內務府大臣安興阿納賄營私各款以安興阿之家人馮姓及薩隆阿爲緊要關鍵馮姓不知去向薩隆阿查無其人未便懸案久待就現在情形先行撥結等語安興阿於廐長文連將各摺應領草束等項銀兩例外加扣一成有餘抵補墊款毫無覺察郎中連蔭前充銀庫差使因朦混具稿撥銀革職本年揀選銀庫郎中安興阿輒將該員擬正揀選單內連蔭名下已註明開復字樣安興

阿回奏輒稱未知該員劣跡馬甲鳳安經廣壽等傳訊該佐領景恩坦報鳳安患病據景恩供由都統安興阿面諭該大臣又奏稱並不知情且其回奏摺內稱無門丁而咨文內又稱門丁劉姓覆奏不實種種迴護實屬咎有應得安興阿著交部議處連隨以銀庫獲咎人員復充銀庫差使甫經到任卽招物議其平日不知檢束已可概見著開去銀庫差使並交部議處待衛福森布郎中廣善員外郎寶勳雖供無勒索餽送各情難保非恃無資證希圖掩飾著暫令各回本任與連隨均俟拿獲馮姓薩隆阿後聽候質訊景恩因安興阿面諭爲鳳安出具圖片報病亦有不合著交部議處薩隆阿雖查無其人難保無刁徒假冒情事並馮姓卽馮起著步軍統領衙門順天府五城御史一體嚴拿務獲究辦○丙申子故福建臺灣道夏獻倫祭葬○戊戌子陝西漢中府殉難生員徐恆等祭葬世職○己亥諭一等毅勇侯候補四五品京堂曾紀澤著派充出使英國法國欽差大臣○諭御史文鏞奏職官聚賭請飭拿辦等語設局聚賭有干例禁據稱近聞職官竟有設局抽頭邀集多人公然聚賭情事殊屬不成事體著步軍統領衙門五城御史訪屬嚴密訪查如有設局聚賭者無論高賄同賄係何職官卽行一體查拿按律懲辦○諭御史文鏞奏請裁撤各省交代清訟等局以杜弊端一摺據稱近來各直省設立交代清訟等局往往以軍功捐納之道府派充督辦而局內派司主稿之候補丞倅牧令等官則半係幕友改捐人員上司藉爲調劑之

差屬員恃爲銜營之路一切公事任意壓擱送請託流弊滋多請飭概行裁撤等語各省設立清理交代詞訟各局原爲慎重公事起見勢難概行裁撤惟如該御史所奏任用私人夤緣公事等情殊屬不成事體恐他局亦所不免均應嚴行查禁著各省督撫嚴飭藩臬兩司認真整頓無論何局如有闕尤不職之員及有前項情事卽行據實嚴參毋得瞻徇遷就致滋流弊○諭御史文錦奏近來驗放大臣有不親自聽宣遣人探聽得信後始行自家起身到班等語每月驗放差使該大臣等均應親自臨宣一經派出立卽到班若如該御史所奏實屬不成事體嗣後如有到班遲誤之員或經人參奏或別經發覺定行懲處不貸○諭御史文錦奏王公子弟請飭認真管束等語王公子弟均屬懿親世罔自應禮法自持方不負朝廷培植優隆之意該御史所稱王公子弟有於廟廟等處微服冶游及性喜俳優等情如果屬實殊失體制著王貝勒貝子公等將子弟嚴加約束務令恪遵禮教毋任稍有縱佚○庚子諭前據御史甘肅銘奏榮祿循情濫調指揮派充差使經都察院行查該大臣含混移覆交都察院詳查具奏茲據奏稱已革指揮韓士俊前充萬年古地工程處差使詳核該處移覆北城原文既聲明該革員調工月日復於都察院未經參奏之前卽將該革員差使撤銷尙無含混等語韓士俊係於本年正月內派充差使乃當時未經查照經該城查詢始據聲明調工年月且韓士俊係屬職官輒派充供事差使均屬不合榮祿

著交部議處○辛丑李鴻章奏湖北餉銀分渡漳河被水冲失十一鞘報聞

光緒三十

臣朱壽朋敬編

臣章士璣恭校

八月壬寅朔以陳隨彬爲左副都御史德馨爲浙江布政使懷山爲河南按察使○以吉林剿賊出力贊副都統長齡雙福協領德昌頭品頂戴副都統富阿二品頂戴餘升敘有差○諭前據御史梁俊奏湖南提督羅大春奏事摺等語將曾銜督撫一併議處當經諭旨該督撫將如何曾銜之處據實覆奏茲據李瀚章邵亨豫先後奏稱均係羅大春出奏在先錄送摺稿在後並未咨請書奏等語該御史所請將該督撫議處之處著無庸議○癸卯以程祖詒督工部右侍郎宜振督吏部右侍郎張叙署戶部右侍郎○頒給浙江嘉興府南皋學廩額○乙巳左宗棠奏軍餉項上年奏蒙天恩准借華欸銀三百五十萬兩今春陸續撥解到甘半年以來藉資支展惟關內外征防各軍月需薪糧及陸續裁汰弁勇清釐欠餉欸目甚鉅新頒市經收復籌辦一切善後事宜需費又急嗣後路各臺局採買轉運經費亦屬不貲兼代河南山西熟發並晚金運山西軍餉並運費而金順恭欽長順每因專餉未到亦時向軍挪借又不能不通融挹注共濟時艱查各省關應協西征軍餉截至六月底止連開七箇月應協十成銀四百四十一

萬餘兩除已解銀二百七萬餘兩外實欠解銀二百三十四萬餘兩卽各省已經報解之二百七萬餘兩內除劃還華商兩欸銀一百一十餘萬兩外其實在轉解來甘者尙不及一百萬兩計上年至今關外楚湘兩院各軍陸續裁撤歸併者約已減去九營關內隨時裁撤歸併者約在十營以外此外因存餉無多未能議裁併現在各省關續解之餉既屬寥寥而前借華欸業經告罄若再向華商續籌息借未免耗費鉅欸各省關欠解甚多應請 旨飭下督撫將軍自光緒五年起三年內均按十成數目報解俾資應用大批協餉務於年內一併到營庶資接濟得 旨著戶部查照左宗棠等咨行單內所開各省關欠餉數目迅速咨催務令提前趕解大批於年內解到該營以濟急需○內午以解餉漸斃予經歷馬濂泉祭葬世職○丁未李鴻章奏據出使德國大臣李鳳苞咨開德國予告提督巴蘭德係駐京公使巴蘭德之兄當光緒二年選送七弁赴德肄業時該提督卽導見該國兵部海部並托斯邦道提督及伊塔營官德羅他分派教導視同子弟迄今三年鉅細畢周勸勞益著請奏賞該提督寶星以示獎勵等語查光緒二年十月德國兵官德羅他教練盡心經 旨奏奉 諭旨賞給寶星該提督事同一律自應由 旨飭局仿造二等金寶星一顆齎交駐京使臣巴蘭德轉寄傳 旨賞給以示懷柔而資激勵報聞○戊申祭 社稷壇遣世鐸恭代行禮○己酉夕 月於西郊○諭前因時事多艱需才孔亟迭經諭令各直省督撫隨時

保薦才人以備錄用現在所舉各員量才授任者固不乏人第恐聞見難周尙未盡登薦剏年講求吏治經武整軍各該省文武歷練既深必多堪備任使者著各直省大更加意訪求秉公保奏候旨簡用抽收贖金原因餉事支絀萬不得已之計倘各省委員奉行不善苛細搜求殊非朝廷用意之所在著各該省督撫認真查核其零星貨物概行寬免設卡過密之處亦宜量爲裁撤務期有濟餉需而民力不致竭蹶方爲盡善總之全在委員得人各督撫尤當鄭重選擇毋稍遷就致累民生州縣攤捐各款原難盡裁但爲數太多其廉潔自持者辦公動多掣肘其貪劣之員轉得有所藉口弊竇滋多各督撫亦當隨時清查酌量裁減勻濟以昭核實巡檢典史官職較卑非無潔已奉公之人而假公濟私侵漁百姓實所不免著各省大吏嚴行查察如有貪婪不職者立即參辦毋稍姑容將此通諭知之○丁寶楨奏上年奏明修理都江堰工所有人字堤之金剛牆及間段堤身經是年夏間江水異常漲發水勢洶湧該堤逼立水中致被冲刷上年十一月水涸堤現重委員復勘丈量合計冲刷人字堤金剛牆及各段堤身共三十七丈有零當經遵 旨飭令丁士彬等仍行補修卽據稟報自行籌款修補於本年正月初將應行修補堤工全數修竣稟經 督同成綿道崇剛親往驗收工程十分堅實卽擬於驗收後據實奏報因前恩承童華等查奏摺內有補修堤工能否可靠尙未可知之語臣是以城緩至六月俟伏汛盛漲經過後查看堤

身有無沖損並江流是否暢順民田有無淹沒再行詳晰陳奏茲節屆立秋伏汛已過所有本年都江堰水自四月二十一起至五月十五日止均漲至十八晝六七寸較之上年極漲時淹沒之水則尙小九尺餘寸而比之前數年大水則已相等查看新補堤工屹立水中一無沖動江水雖漲毫無漫溢民田均無損傷其自五月十五日以後至六月十七日止水勢均只漲至十七晝五六寸不等皆緣江身淘挖深通兩岸堤堰收束得力是以盛漲時水流極順不至潰決爲害現在成熟各民田均皆出穗揚花極爲茂秋稼日內可收實堪仰慰 聖懷至江水向於立秋後尙有一二次漲發然秋汛微弱不如伏汛之大尙可無慮 俟霜降水落後續行查看江水漲發情形再爲具報外所有都江堰補修人字堤工現經大汛一律堅固並以前修砌兩岸堤堰及淘挖江身均極通暢民田毫無淹沒各情形謹據實具奏再此次應補修堤工所有一切經費共實用銀三千二百餘兩係丁士彬等自行捐資修辦並未分毫動支庫款自毋庸造報至本年堰工丁士彬係於去歲十月早經告卸例應歸於現任成綿道崇剛經營 因入字堤有補修之工是以將本年全河仍責成丁士彬經理如有堤身沖刷及民田淹沒等事仍惟丁士彬是問以釋疑慮現在伏汛已慶安瀾一俟霜清後各堤完固丁士彬亦可卸責卽以後承管之員亦再無可藉口報聞○庚戌諭榮頤等奏永濟庫款項支絀前經借撥銀兩動用無餘現在欠發之款積至七萬餘

兩勢難再延請將前次借撥銀六萬兩作正開銷並請飭直隸由旗租項下再撥銀八萬兩以清欠項而資用放等語國家經費有常若如所奏不但前借之項不能歸還且續撥又至八萬兩之多率意瀆陳殊屬冒昧榮國戴昂景瑞均著傳旨申飭至直隸各州縣欠交永濟庫租銀著李鴻章嚴飭各該地方官趕緊籌交所請將前借款項作正開銷並請再撥銀八萬兩之處著不准行○以防河出力予提督宋慶等優敘有差○辛亥 上諭 奉先殿 壽皇殿行禮○壬子致任大學士單懋謙卒予祭葬贈太子太保銜賞其子大經以知府用孫敬藩舉人○諭前據李鴻章奏湖北委員管解京餉銀兩由河南安陽縣入直隸德州鎮該處向以漳河為界餉銀未抵北岸被水沖失十一鞘應由湖北河南督撫查核辦理茲據徐宗霖奏前項餉銀業經渡過北岸被水沖失請飭直隸總督派員會勘等語著李鴻章迅速派員前往與河南委員會同勘辦該督撫當確切查明毋任委員推諉○癸丑諭翰林院侍讀王先謙奏經費宜裕請飭加意釐剔一摺著戶部議奏○甲寅以孫毓汶為內閣學士○丁葆楨奏川省鹽務自道光三十年前任督臣徐澤醇清釐之後迄今屆三十載各引張之積滯正多一年款目之混淆日甚一日除滇黔兩邊本屬廢岸上年已奏定章程另行設局辦理外惟合鹽道衙門歷年編發鹽引並不分清界限挨次順發既將邊計各引互相套搭又將咸豐同治年間各引與光緒年間之引一併套搭隨意混發顛倒錯亂

毫無次序而改代改配又復多方作弊以致書吏家丁奸商皆得因緣爲奸弊竇叢生現在查對各關冊報以前驗放引張有年分號數相同先後重發者有塗改上年存庫陸引試作水引山道移送驗過總局者夫鹽引之號數有定水陸兩引斤重懸殊何得由道署擅自塗改即行備文移送可見以前積習太深竟以駭人聽聞之事視爲固然至歷年課款率多挪彼墊此移東解西歷年既久輾轉愈甚一切虧新掩舊之弊勢更無可措攷所關尤重而其尤可慮者鹽道皆總司辦務其緊要關紐全在引張故請引須由部頒領到又須由總督過印然後發交鹽道收存以便地方官請領發商行運層層稽核皆所以嚴防作弊乃查鹽道於請頒引張並不入庫任令存放料房卽此玩泄督道尙復何弊不作若再不澈底清查則以後鹽務直無從整頓惟鹽務之壞已歷數十載引紙案卷壘封山積且歷年引張有積存道庫者有已發各屬而乏商承領者有已經發商尙未行銷而商人徑自攜帶回家者又有已行而未截繳者事關通省自餘州縣清查殊非易事現酌定清釐章程七條檄發藩臬兩司暨新委鹽茶道黃潤會督成都府貴令分年分地分欸詳細確查並添派明白公事之候補道錦瑞馬映奎兩員督同府州縣數員赴鹽茶道署設立清查公所逐一檢齊卷宗挨次清理某年某案應領額引若干存庫若干已發若干未銷若干此岸之引改歸彼岸者若干已繳若干未繳若干各屬應解課稅羨截疎力鹽金各欸何處欠繳何項若

千或欠在官或欠在商或欠在引收解之款何項實由省支何款山外提撥通計收發數目是否相符務期一往清楚俾積弊藉可盡剔懸綱藉以整頓報聞○乙卯吏部左侍郎成林卒予祭葬贈太子太保銜賞其子懷清以員外郎用○轉志和爲吏部左侍郎調烏拉喜崇阿爲吏部右侍郎以恩麟爲兵部右侍郎○丁巳諭清凱奏奉天張士林王永慶武鳳三犯既已犯法應重無疑乃臨刑時僅辦王永慶一人張士林武鳳釋回疑其有違國典請飭岐元明白回奏一摺此案昨據岐元奏馬兵王永慶離營聚賭當經正法並請將徇情不舉之該管員弁革職發遣當降旨將都司張士林千總武鳳革職發往新疆充當苦差原因張士林武鳳係王永慶之該管官任聽所部兵丁擅自離營聚賭從嚴懲辦該署將軍所擬革職發往新疆不爲輕縱該副都統任意縱陳殊屬多事清凱著傳旨申飭○予故陝西陝安道黃鼎建祠○金順奏呈進貢馬報聞○戊午諭前據翰林院編修何金壽奏雲南知府孔昭鈐被戕一案總兵楊玉科有交通京官圖脫罪名情事當經諭令劉長佑杜瑞聯會同詳查訊供定擬本日又據都察院奏孔昭鈐之子生員孔憲瀛遭抱以伊父被殺顯係楊玉科主謀倚仗財勢巧爲營脫等情赴該衙門呈訴著劉長佑杜瑞聯將所控各節歸案訊明具奏○諭前因翰林院編修何金壽奏浙江衢州鎮總兵喻俊明不宜兼總杭嘉湖水師當經諭令梅啟照酌度具奏茲據奏稱該總兵兼統杭嘉湖水師深資得力前奉派時

係爲因事擇人起見等語所有杭嘉湖水師著准令喻俊明仍行兼統該撫仍當隨時查察如該員實有未能兼顧之處卽行遴員接統○己未知府高同善發往烏魯木齊交恭鐸差委○庚申諭吏部邊疆大臣擬在都中設局派員兼辦轉運據咨請旨一摺烏里雅蘇臺將軍春福等以該城採買皮衣車裝調取火藥等事擬於京城設轉運局又未奏明請旨遽派刑部員外郎希賢長春二員兼辦局務前來無此辦法實屬任意妄爲烏里雅蘇臺將軍春福參贊大臣車林多爾濟杜喀爾均著交部嚴加議處其所擬設局及派員兼辦局務之處著不准行○辛酉命師曾查勘 泰陵方城 縣陵寶城及 昌陵 慕陵 禮部果樓 泰陵禮部衙署工程○壬戌頒給甘肅西甯府 海神廟匾額○癸亥命文彬入覲以薛允升署漕運總督○甲子 上詣 壽皇殿行禮○諭軍機大臣等總理各國事務衙門令辦外交收伊犁事宜請飭疆臣覆議一摺據稱連接崇厚電報內稱約章皆定議帶押並將現議條約十八款摘要知照價值一節尙不過多通商則事多輟輟分界則弊難枚舉而宜籌畫布置迅圖補救各等語崇厚出使俄國固以索還伊犁爲重而界務商務關繫國家大局者自應熟思審處計出萬全且營經總理衙門電致崇厚若照來函有礙大局節略內並言所損已多斷不可行該大臣尤應遵照辦理設法辯論乃竟任其要求輕率定議殊不可解現在俄約既經議定其第七款中國接收伊犁後取爾果斯河西及伊犁南之

帖克斯河歸俄屬第八款塔城界址擬稍改是照同治三年議定之界又於西境南境劃去地段不少從此伊犁勢成孤立控守彌難況山南劃去之地內有通南八城要路兩條關繫回疆全局至第十款於舊約喀什噶爾庫倫設領事官外增出嘉峪關烏里雅蘇臺科布多哈密吐魯番烏魯木齊古城七處亦酌設領事第十四款俄商運俄貨走張家口嘉峪關赴天津漢口過通州西安漢中運土貨回國同路不特口岸過多並與華商生計亦有妨礙允行則實受其害先允後翻則曲仍在我自應設法挽回以維全局著左宗棠金順錫綸將界務商務各款悉心酌覆李鴻章沈葆楨奏顧大局除商務各條詳加籌畫外其界務如何辦理始臻周妥分別詳細密陳○丁寶楨奏查都江堰之大魚嘴爲成都府屬十四州縣分水緊要關鍵向有內六外四之說係專指春水初發灌漑田畝而言蓋因外江所灌田畝內江所灌田畝共有十縣就兩路用水田畝之多寡以分差等迨夏汛盛漲洪濤騰湧一望汪洋則但求去路之通暢無阻不能拘定水則調查該堰之分水大魚嘴從前創設原在安瀾索橋之下嗣因河道遷改靡常承修之員循流溯源將分水魚嘴節次移置其移自何年代遠難稽惟查道光七年前任水利同知強望泰所記其時分水大魚嘴已在安瀾索橋之上則改移自在道光以前並非始於近年推考向前移置之故自上游之江源早分則下游之水勢可殺卽本秦時李冰鑿分內外兩江以殺水勢意是非省工包砌所致且

魚嘴愈上則受沖愈甚非惟工不能省且必須加倍堅固方足以捍急湍去年署瀘縣知縣陸葆德等承修大工卽就索橋以上舊基興修大石魚嘴長十六丈高二尺底深一尺是年夏水異常暴漲致稱罕見雖大魚嘴以下之人字堤身間有沖刷而大魚嘴仍帖然穩固今歲夏汛固較去年略減而比前數年大水則已相等江流仍毫無漫決民田亦毫無損淹成效昭然將數十年已成之舊基全行掘挖退修四十餘丈不但工費浩繁難以籌辦而退修之後各堰堤之成敗利害實難逆料並據瀘縣紳耆張映極余漢章等先後具呈該紳民等生長江干五六十年以來目擊分水大魚嘴在索橋之上歷年久遠現在兩江河身尙覺內低外高若將魚嘴退數十丈則內江愈低夏水驟漲勢必專趨內江沿河十縣糧田將成澤國是利未形而害已著且自去年大修之後已歷兩次夏汛水勢之大前所未有只因堤岸束水得力沿江民田廬舍均毫無沖淹不似從前之年年漫溢田畝被害民間共深欣幸合詞懇免退修情勢迫切蓋都江堰之大魚嘴爲內外兩江分流總口成都等十數州縣農田民命皆繫於此細閱恩承等原奏議將分水魚嘴退修四十餘丈係恐內外分水不均期復道光以前舊制惟查恩承等勘工之時正在冬令水涸以後而於前數年江流之漲落漫溢民間迭遭水患情形未曾目覩至臣屢詣江干多值大水之際詳查水勢並詢之三農父老竊稱分水大魚嘴移設索橋之上已歷五六十年內外兩江自此劃分便下

流水勢稍殺如另議退修則上流之急湍狂瀾併力直注恐新工無從下手而人字堤當沖更甚尤易潰決復統觀兩江形勢當春耕播種之時利在關截停蓄以均輪灌至夏汛盛漲利在宣洩疏暢以保十數州縣田廬而宣洩要法不外源流界畫分明以均水力而期通暢且所謂分水者必須迎上流偏注之水勢以定界址斯分多分少乃有斟酌若上流之水勢既愈刷愈寬而下流水嘴復向後縮退揆諸分水情勢實覺無此辦法所有都江堰現在分水魚嘴既爲分別內外兩江水路而設現在根基又已穩固該官紳耆民等一聞退修之說情急勢迫竄請無庸更議以勉上游之水盡趨內江漫淹滋懼係屬實情臣經歷兩年竊不敢輕議更張致貽無窮後患至外江之淤沙宜淘內江之深槽宜墊無使內低外高係爲均平兩江水則起見係屬照常辦理之事須俟冬令水涸遵 旨督屬妥辦以期有利無害仰紆 宸座上諭丁寶楨奏查明都江堰之分水大魚嘴勢難向後退修一摺據稱四川都江堰之分水大魚嘴從前創設原在安瀾索橋之下嗣因河道遷改靡常節次興修向前移置已歷五六十年內外兩江自此畫分使下流水勢稍殺恩承等勘工之時正在冬令水涸於江流漲漫情形未經目覩若如所議退修四十餘丈則上流之急湍狂瀾併力直注恐新工無從下手而人字堤當沖更甚尤易潰決現據該省官紳耆民等稟請毋庸議退修以免內江漫淹等語都江堰之大魚嘴爲四川十四屬分水緊要關鍵既據該署

督查明實在情形卽著照所請毋庸另議退修以免更張至淘去外江淤沙平墊內江深槽各工仍著丁寶楨督飭所屬悉心妥辦總期有利無害以衛民生倘有疏虞必惟該署督是問○諭丁寶楨奏遵查道員勞文翔管理籌餉局務並未私提銀兩該員與前署華陽縣知縣瀘州知州田秀栗亦無交結門丁黃瑞廷之事據實覆陳等語道員勞文翔既據丁寶楨實成兩司查明該員入局以來經手收支各款委無違例濫支情事平日亦無別項聲名業經撤去籌餉局差使卽著毋庸置議知州田秀栗雖據奏稱並無庸劣聲名仍著留省隨時察看所有瀘州知州一缺著丁寶楨另行派員前往署理門丁黃瑞廷已否屢逐出境未據該署督聲明著候遵前旨卽行驅逐出境毋任逗留○乙丑飭甘肅階州被水較重地方加意撫恤○劉長佑等奏請省防軍不敷分布擬減五武營楚勇薪糧改設兩營練軍以資撙節而慎邊防允之○戊辰允銘安請官兵不敷分遣仍暫停冬圍○賞五城煮賑米石○庚午調錢寶廉爲刑部左侍郎以薛允升爲刑部右侍郎○命梅啟照來京謁譚鍾麟爲浙江巡撫以馮馨遠爲陝西巡撫○是月比利時國署理使臣謝武伯更名謝慧施

九月辛未朔調崇保爲山東布政使○賞楊昌濬三品頂戴著甘肅布政使仍幫辦甘肅新墾營後事宜○諭曾國荃奏指定撥款及時買穀還倉一摺據稱山西前被旱災外省運米驟難入境每賴本地倉穀

接濟賑需現在善後事宜以買穀還倉爲要務擬將部撥及指撥山東等省之銀五十萬兩再由山西陸續籌措銀五十萬兩專爲買穀填倉之用於三年內籌補足額等語自係爲儲備災荒起見卽著照所議辦理惟採買倉穀易滋弊混當此款項支絀之時尤應力求實際該撫務當慎選賢員核實經理毋得有名無實虛糜帑項○甲戌以捐助賑銀徵給前陝甘總督楊岳斌父母匾額○丙子祭 歷代帝王廟遣管祺行禮○李鴻章奏新調直隸布政使任道鎔請暫緩入覲不允○命題奏按察使劉盛藻赴天津交李鴻章差委○諭李鴻章奏直隸水災較重前截漕糧不敷分撥懇賞給湖北來歲新漕一摺直隸順天各屬本年夏秋之間雨水過多窪區被淹秋禾無收春麥難種民間被災甚深前次截留漕米六萬石恐不敷賑濟卽照該督所請著湖廣總督湖北巡撫將湖北來歲新漕三萬石提前辦運趕於封河以前由輪船運赴天津俾應今年冬間賑撫急需毋稍延緩○諭太僕寺少卿鍾佩賢奏奉使大員及上司過境隨役人等往往百端需索任意滋鬧及被人參奏該家主例有失察處分而隨役人等轉得置身事外肆無忌憚請飭懲辦等語隨役人等需索供應離境地方自應嚴拿懲辦嗣後官員奉派出差及上司過境隨役人等如有需索滋鬧情事該地方官立即嚴拿審辦據實詳揭倘隱忍不言別經發覺卽將濫應之該地方官照例議處並將需索之家人員令該家主交出按例懲辦○諭給事中郭從矩奏直隸被水州

縣盜賊橫行地方官規避處分往往改盜爲竊不肯認真緝拿甚至將已獲之犯率行開脫請飭查參等語被災地方以除盜安良爲要務若如所奏情形亟應從嚴參辦著李鴻章察勘今歲被災州縣如有盜賊橫行地方官不能弋獲反行寬縱等情卽行立予嚴參毋稍姑容○詔太僕寺少卿鍾佩賢奏秋審緩決人犯定擬似未允當請飭覆核一摺據稱會議各省秋審有河南斬犯李金木一起情節甚重法無可貸刑部照擬緩決與例不符等語著刑部將鍾佩賢所奏及前次簽商各節詳細覆核務期允當毋得稍存成見○丁丑命錫珍查勘 孝陵神廚庫房 孝東陵方城壘圍門 景陵龍鳳門並 皇貴妃園寢西門樓等處工程○督辦福建船政事宜太僕寺卿吳贊誠因病乞休允之命直隸按察使黎兆棠督辦福建船政事宜並賞加三品卿銜○戊寅追予湖北殉難知府李源建祠○詔前據太僕寺少卿鍾佩賢奏秋審河南斬犯李金木一起刑部照擬緩決似未允當詔令刑部詳細覆核茲據奏稱李金木以功服軍長國財聽從謀殺年甫五歲小功服姪因例無首從明文是以照擬緩決現據鍾佩賢奏稱該犯蔑理忍心法無可貸擬加查核請旨改入情實等語著照所擬辦理刑部堂官照擬緩決並此次摺內所引四川張啟志一案係竊盜拒殺與李金木圖財謀殺之案情罪不符均屬未能允協著交部議處○己卯以辦賑出力予直隸按察使丁壽昌等升敘有差○管帶志遠兵輪千總龐寶昌因公身殉予祭葬附祀祠

光烈祠○庚辰命徐桐承修 昌陵 慕陵 慕東陵禮部果樓工程○以岳林爲內閣學士○癸未追予原任參贊大臣武隆額於塔城建祠○乙酉寶廷奏奴才幼讀書曰辟以止辟又曰罪疑惟輕每疑二語嚴寬之相悖長而深繹其意乃歎聖人寬嚴相濟當嚴者不敢輕寬但有可寬者亦不忍於太嚴誠義之盡仁之至也刑部前擬李金木罪未允奉 旨議處仰見 朝廷明刑弼教刑期無刑之至意而奴才竊有過慮者恐內外理刑以前多過於寬此後又將流於過嚴矣奴才補少詹事得與會議秋審見各省招冊擬實之犯數已不少而刑部改實復有四十一一起竊訝其多欲與簽商因夙不諳刑律未敢以臆見妄議致弛 國法故當時亦從衆書題而私衷竊哀之夫所謂辟以止辟者亦言刑不可廢耳非謂今歲多辟數十人來歲卽少犯法者竊謂廷臣執法不可不嚴不嚴則民生玩而 朝廷用法不妨於寬不寬無以大好生之德故殺關殺不同也而關殺改實每曰近故夫近者疑詞也疑其故而殺之不幾罪疑惟重乎竊賊拒捕重罪也然有雖拒而未殺人者有雖殺人而非其致命別有正兇者定以死罪示戒可也迺與拒捕殺人者駢誅之不幾異罪同罰乎三代以下有司平日既未盡教養之道民一旦罹於法又不能殫心以鞠之貪酷者任法自利庸懦無能者復惟幕友吏役之是聽文致定讞以合例案所具供招皆幕友鍛鍊周內之詞強罪人押之耳豈真出於罪人之心與口乎試觀各省供招無不大同小異者豈罪

人所犯果皆雷同乎執此以八人死罪紙上情罪固真且當矣彼赭衣而流血於市者果甘心否耶伏乞
皇太后 皇上仰體 上天好生之心 施法外之仁各省句到不上詳加披覽其情真罪當無可疑
者固不可姑息倖寬罪之微有可疑與夫罪雖重而無可原之中倘有可原之情者加恩酌量多予免句
可失不經不可殺不辜以廣 皇仁以重民命寬嚴互用廷臣執法之嚴與 朝廷用法之寬不惟不相
悖而且相濟乃於辟以止辟罪疑惟輕之訓交無所違並乞 勅下刑部及各疆吏此後審擬罪囚不可
有意輕縱亦不可有意苛刻用期明允尤當嚴察州縣虛懷聽斷錄取實供勿任幕友吏役舞弊否則內
外見過於寬之獲譴遂相率尙嚴以冀免咎將蹈漢代治獄之吏皆欲人死之積習恐天下大辟歲多一
歲又安能止哉 上諭詹事府少詹事寶廷奏明刑部教習當遵經訓寬嚴互用一摺自言用刑惟期明允
而律例之意原與經義互相發明秋審各案刑部及各衙門會議後詳審案情按律定擬朝廷仍逐案確
加酌核分別施行此次李金木一起因逆佩賢奏請經刑部覆核改實並非有意從嚴嗣後內外問刑衙
門辦理刑獄務須詳慎持平固不得過於寬縱亦不得因有此案相率苛求致失罪疑惟輕之意○丁亥
左宗棠奏喀什噶爾今正大捷逆酋愛克木汗條勒阿布都勒哈瑪與敗殘餘眾數十人竄遁俄境阿來
地方五月內被俄官囑逐該逆酋等因俄不見容遂由阿來竄出越愛克什塔木俄國邊卡踞我外卡之

外以跟地方自甘無地逃生卑詞懇諸安集延布魯特各回助其竊踞邊城暫延喘息回家中營事無賴之徒轉相勾煽加以誘脅從亂者漸多六月十七日竄至烏魯克哈提嗣後渡河而南招致回部意在窺邊臣接道員羅長祐臧告比於八月十一日覆陳摺內附敘及之旋接通政使二等男劉錦棠七月十四日咨報所敘賊情賊蹤與羅長祐無異而布置一切較爲詳明按烏魯克哈提距喀什噶爾約七百里中隔戈壁賊由烏魯克哈提南竄則必出烏帕爾西南竄則必出色勒庫爾以兩地水草均便多產糧料人馬足供故也劉錦棠先派羅長祐率馬步赴烏帕爾修築壘留副將劉必勝步隊總兵夏辛酉馬隊駐守扼之飭西南沿邊各布魯特徙帳內地避賊翼魯劉錦棠按兵喀什噶爾擬伺賊所向急起擊之嗣復接劉錦棠七月二十五日咨報阿布都勒哈瑪山烏魯克哈提翻山而南向色勒庫爾竄走後兩日愛克木汗由烏魯克哈提踰河而南越賈勒克蘇明特蓋等處復向西南竄走是其併趨色勒庫爾圖與阿布都勒哈瑪合股無疑劉錦棠派羅長祐率步隊三旗留守喀什噶爾漢城總理後路防守事宜總兵杜錫斌率所部董宇左營步隊駐紮回城並飭提督李克常副將劉必勝等仍常駐紮以重邊防布置已定七月二十六日劉錦棠親率馬步二千有奇山喀什噶爾向色勒庫爾進發沿途如別無戰事計旬日內可到地接仗容俟續報到時再行馳奏竊維新疆北路壤接哈薩克布魯特南疆則與安集延布魯特各

部落毗連此次賊竄色勒庫爾地屬葉爾羌邊境在喀什噶爾西南種人雜錯其間最易煽動非迅予殲夷則輒轉勾結必致重煩兵力劉錦棠料賊所必出之途而急起乘之者以此所幸賊蹤經歷皆山谷崎嶇官軍由卡內追擊道路稍夷如履衽席差爲得算至若新疆地方因俗施政教各異鼎同信奏其汗比條勒已成鋼習非革除舊俗漸以華風望其長治久安事有難言者微臣之妄擬改設郡縣亦以此擬俟北路底定會議請 旨遵行 上諭軍機大臣等左宗棠奏漏逸逆酋糾眾窺邊現籌防剿情形一摺逆酋愛克木汗條勒阿布都勒哈瑪勾煽黨眾由烏魯克哈提分竄併趨色勒庫爾劉錦棠已率馬步各隊前往剿辦著左宗棠督飭該京卿相度機宜奮勇進剿務將此股賊匪剋日殄除毋任勾結該處種人蔓延爲患一面飭令防軍嚴加防範以杜竄擾不得稍有疏虞至新疆地方器回鋼習未除自應規畫久遠移其風俗俾就範圍該大臣所擬改設郡縣應如何辦理之處并著妥籌具奏將此由五百里諭令知之○監紳托克滿奏查現奉部咨議准添設官兵應將營制事宜先其所急除添蓋營房籌給馬匹軍械餉項津貼以及撤防截止口食備抵俸餉一切未盡事宜另行查明奏咨外謹將挑選官兵先行辦理以肅邊防一呼爾左右兩翼原設公中副管各一員茲准改爲協領嗣後此二缺出擬請分爲左右兩翼公缺由各翼應升之人各選一缺巴彥蘇蘇新添協領一員擬請作爲左右兩翼公缺由兩翼應升人員內

公同揀選呼蘭巴彥蘇蘇新添佐領八員驍騎校八員均請作為兩翼公缺統由各翼各部落應升人員內選用現值各該處添設營制事務紛煩在在需員辦理擬請先行揀員奏請補放卽飭各該員等馳赴新任料理經始事務容俟營務就緒再行輪送引見以重邊防職守一呼蘭原設八旗每旗佐驍各一員茲准添設佐驍各四員擬請上四旗每旗編為兩佐佐驍各二員下四旗每旗仍為一佐佐驍各一員兩協領各管四旗六佐分翼管轄以專責成一巴彥蘇蘇武營原撥佐領委協領一員防禦委佐領四員驍騎校四員編設兩旗四佐茲准全營移駐北團林子其巴彥蘇蘇新設協領一員佐驍各四員擬編為上四旗至移撥北團林子陳營原編兩旗擬改作下四旗統為八旗以符定制一呼蘭城守尉茲准改設副都統應用印信仰懇 勅下禮部鑄造頒發未到以前擬請暫用城守尉關防其副都統衙門左右兩司關防並新添協領等官應用圖記隨時咨部請領其未到之先擬由奴才等刊給木質鈐記以昭信守一呼蘭巴彥蘇蘇兩處准添筆帖式五員領催三十二名前鋒二十四名甲兵三百四十四名副甲改為正兵一百名並由領催前鋒甲兵內添挑委筆帖式十員委官十一員統俟挑齊編入旗佐造具花名細冊報部備查以昭核實一移駐北團林子武營佐領委協領一員原由右翼索倫佐領移撥出缺由驍騎校內揀選擬請嗣後改由該部落佐領內選補隨時咨部防禦委佐領四員驍騎校一員均由墨爾根城

移撥嗣後缺出仍歸蘇章辦理其餘騎校三缺原由該營筆帖式領催內不論旗翼揀選茲准呼蘭巴彥蘇蘇等處添設各官缺分既議作爲公缺應將騎校三缺擬請作爲公缺歸翼揀選以歸畫一下部知之○戊子都察院奏據江蘇京官翰林院編修廖壽豐等呈稱竊職等籍隸江蘇嘉定寶山二縣同治二年前總督曾巡撫李會奏請減蘇松太三屬漕額經戶部議奏統按原額減去三分之一後督撫飭司查減前布政使劉始有輕則不減之議時督撫原主專減終以藩司堅持前議奏定五升以下輕則不減故蘇松太三屬各屬州縣皆按則遞減而嘉寶二縣獨不與後以沿海地多瘠薄量予優減而嘉寶二縣又以業在輕則不減之列仍不得與至常鎮二屬舊額本輕部議奏准統減十分之一而嘉寶二縣又以蘇松太輕則不減與常鎮分辦仍不得與統計江蘇五府州減漕案內獨此二縣未減分毫況乎米少銀多名輕實重嘉寶地不產米自漕糧改入地丁額徵漕折銀兩計共解蘇糧道銀嘉定一萬餘兩寶山九千餘兩此中已包鄰邑漕項矣而又有隔屬加派之漕項順治十一年江安糧道傅作霖以江甯等衛月糧折價不敷議加派於折漕州縣今額徵條編內有解江安糧道加漕銀嘉定一萬三千餘兩寶山一萬二千餘兩兼此二者總計嘉寶每縣各改折加派銀三萬數千兩此皆他州縣所無者至折漕之後惟向糧應完本色計現共徵米嘉定一萬七千餘石寶山一萬四千餘石均係民折官辦夫以改折加派三萬

數千兩之銀合現徵一萬數千石之米計之實與常額之輕則懸殊而與蘇松之重則無異乃當時據僅現徵米數概歸之五升以下是未察於折漕之本亦舍銀而論米謂重以爲輕遂使海濱偏隅獨抱生成之憾此二縣之民所久思呼籲者也惟是係正供事經奏定倘民力可支何敢以兩邑之私妄爲干請無如寇平以後田土未闢生計維艱加以土產木棉連遭災歉歷年荒田新課報熟者多至復荒似此竭蹶情形惟有仰乞 恩施方足蘇精困而培元氣 上諭都察院奏編修廖壽豐等道也以本籍錢糧未蒙普減呈請代籲永免加漕銀兩一摺據稱江蘇嘉定寶山二縣因賦均輕輕於辦理減漕案內未減分毫而統計應解漕糧係屬名輕實重民力竭蹶請飭將應解江安道庫加漕一項核議免免抑或另籌體恤等語江蘇普減漕糧一案係出自 特恩何以嘉定寶山二縣未經議減該二縣漕米合之各款漕銀於賦則輕重較各屬究竟如何道庫加漕一項能否免免應如何另籌體恤之法著沈葆楨吳元炳酌度情形奏明辦理務期國庫無妨而民力不至拮据方爲允協○庚辰冬蘇英奏請省人員擁擠流品混雜請仿照前福建撫臣王凱泰條奏酌量裁遣情形得 旨覽奏已悉該省吏治營伍固著安定章程認真整頓務須斟酌盡善實事求是以期經久可行○辛卯頒給陝西諸屬荒祠匾額○壬辰蠲五城貧民棉衣銀及煮賑米口○諭前因御史朱以增奏參江蘇糧道英模貪劣各款當經諭令步軍統領等衙門及直

隸江蘇各督撫確切查明具奏茲據榮祿等奏稱查明京城松盛長銀號裕豐金珠店均有英機本銀至伊宅內戲臺係由京城本廠蓋造另有自蓋木臺各等語英機身任職官輒以重資夥同店鋪與民爭利官屬不知檢束著先行開缺聽候查辦至所參逗遛在京一節該家丁所稱該道因病回京具稟請假是否屬實著倉場侍郎江蘇巡撫據實覆奏其餘被參各款俟該督撫覆奏到日再降諭旨○癸巳命戶部左侍郎麟書內閣學士崇禮在總理各國事務衙門上行走○諭杜瑞聯奏委員查提案件先行回省在寓自戕一摺雲南試用同知李景新經該撫委赴臨安府蒙自縣查提土司案件久未解到要證據該府稟稱該員有受賄徇情事適該員已先回省在寓自戕雖據該員家丁供稱患病愁急所致其中情形恐有不實著劉長佑杜瑞聯將該員究竟因何自戕有無畏罪輕生情節確切查明據實具奏其原委應提人證仍著嚴提解省審辦○錢寶廉奏刑律嚴明最重服制尊卑名分難例平人卽如同一強盜在平人則首從皆斬在尊長則按服制科斷無死罪也同一謀殺在平人則首犯斬候加功絞候在尊長則首犯絞候爲從卽應遞減非死罪也同一圖財害命在平人則造意加功均干斬決不加功者斬候不行而分賊者擬軍在尊長則惟圖產爭襲謀殺卑幼者擬斬監候爲從亦應量減並未定爲死罪也誠以親屬重姦不重盜卽因尋常相盜殺傷仍依服制科斷例行專條不得與平人牽混本年河南秋審李金木一

案該省原擬緩決刑部以罪疑惟輕擬入緩經太僕寺少卿鍾佩賢奏稱與例不符奉 旨飭部覆核刑部將其改入情實跡其忍心蔑理誠屬法所難寬但於例意不明刑章有礙不能不詳悉具陳以免將來歧誤從犯李金木係死者小功尊屬若照平人加功擬以絞決則與尊長謀殺之例不符若照尊長加功之例減等擬流又與謀殺幼孩之例不合例無尊長圖財謀殺十歲以下卑幼明文惟查有功服以下尊長若挾有卑幼之爰兄伯叔夙嫌將其十歲以下子女弟姪遷怒殺害者照凡人例擬斬監候又功服以下尊長殺死卑幼如係圖謀財產強盜放火殺人圖姦謀殺照凡人例擬斬監候二罪相等從一科斷是以比照尊長圖謀財產例定擬實因死本幼穉比較各例從其重者所謂斷罪無正條比照他例也又因例無爲從之文既不便照尊長加功減等擬流又未敢照平人加功擅擬絞候不得不照原例科斷以待秋審之詳量爲區別也但詳釋例文既有云圖謀財產則是專言產業有非致死不能入己者並非可竊可攘尋常財物也故下文有云其餘尋常親屬相盜及圖詐圖賴他人財物謀故殺卑幼者仍依服制科斷所謂尋常相盜卽指攘竊財物而言苟非圖產圖姦強盜放火殺人皆當以尋常論又恐因盜殺傷誤作圖財害命特加謀字樣以明之言尋常相盜雖謀故殺者亦依服制科斷例意本爲周密但未顧冒耳此案李金木所犯各節當在尋常相盜謀殺卑幼之列核其爲從加功應從減原題因死係幼孩

不能不比數各條從嚴定擬秋審因犯非造意不能不參稽各例酌量照緩若原題業已從嚴秋審又將入實不特與爲首尊長無分且較加功平人轉重矣設將來遇有似此案情而造意加功均係尊長固不能將爲首之犯例外加重又不能將加功之犯再行輕減此外如有同行不加功與夫同謀不行者又將如何科擬倘或謀殺一人而有三四尊長加功勢必至以尊長數命抵卑幼一命從來無此辦法況圖財謀殺幼孩平人加功止於絞決以尊長而加以實斬亦覺輕重失宜總總格礙殊鮮遵循且原例既無不分首從之義則爲從之必有區別與爲從而係平人亦必不能較尊長轉輕自非明定章程恐不足以昭法守 上諭錢寶廉奏服制命案例無明文請飭議專條一摺著刑部議奏○甲午命董恂承修 孝陵神廚庫北庫房 孝東陵方城圈洞門扇 景陵龍鳳門暨皇貴妃園寢西明樓等工程○諭昨據刑部左侍郎錢寶廉奏本年秋審河南省李金木一起定案時已屬從嚴問擬新候秋審未便從嚴擬實並請飭議專條等語當經降旨令刑部議奏然據尙書文煜等奏秋審命案意見兩歧請派大員再行覆核定擬一摺竊犯李金木聽從圖財謀殺年甫五歲小功服姪孫照平人謀殺律問擬既經刑部改擬情實實屬法無可貸惟念該犯係屬爲從加功例無明文衡情定罪若照平人謀殺加功律亦應問擬絞候入於情實李金木一犯著卽改爲絞監候現屆旬到之期卽行處決毋庸另派大員覆核錢寶廉所請飭議專

條之處仍著刑部議奏○周恆祺奏黃河北徙以來至今已二十餘年誠恐大通河運下漸形淤淺夏同善奏請疏治洵爲思患預防之論臣前與文格商推比經親赴河干相度通籌大局傳探章目前下游辦法祇能擇要修防因勢利導查夏同善原奏三條一曰疏濬海口一曰開直河灣一曰開通支河其開直河灣一節廣籌等查得下游數大灣內田廬墳墓甚多概難遷移開直河身必致侵濬鹽灘場窳有妨國課臣覆查意見相同且河之自直而灣灣之自小而大黃河善徙歲無定形此節自礙難辦理開通支河一節廣籌等查得開挖引河建立石閘洩黃河盛漲以入徒駭事屬可行但閘座易致傾圯不如酌設減水石壩等因臣查徒駭河於同治十一年挑濬一次大段向屬通暢第欲分受黃水究恐難容前據潘駿文稟擬估挑徙駭下游計惠民濱州霑化三州縣境一百五十里酌借民力興辦約須津貼銀十三四萬兩就惠民之白龍灣開挖引河核計土方及挖費地價須津貼銀七八萬兩砌築石壩一座須銀四萬餘兩共需銀二十四五萬兩惟是減水一次卽受淤一次歲歲續挑勞費無已且恐黃河日向北刷設致致擊動大溜冲坍石壩必致汎濫爲害河北一帶地方盡成澤國其害不可勝言稟請再行酌核臣思黃河自濠口東至利津四百里間僅建減水壩一座消水無多而估計挑河建壩各工已須銀二十餘萬兩若欲添設多座卽須添挖引河數道費更不貲而減洩之水愈非徒駭河所能容受上年白龍灣決

口灌入徒駭而徒駭兩岸堤埝漫溢十餘處是其明驗現時徒駭河面寬約五六十丈深祇五六七尺就使設法開挑人力終屬有限北岸建壩並無堅土老堤溜勢所逼跌塌塌口在在堪虞奪河誠不可不防且據朱采等查得濟南東昌武定三府之水以徒駭河爲經流設因減水致淤黃河未治徒駭先病尤於該三府水利有關武定紳民亦紛紛聯名籲阻臣按之地勢民情諸多窒礙蓋以目下黃河而論其緊要處所總在張秋以上若歷城以下河低岸高水由地中而行苟非異常盛漲足資容納臣查看兩岸地勢其高者向來無堤其低者間段有埝或五里十里不等但將民埝卑薄處培修高厚刷塌處幫築套堤大汛經臨當可抵禦臣已飭前署齊東縣耿天九前惠民縣楊倬雲等分赴各屬酌度地勢量給津貼妥爲籌辦所有挑河建壩應請從緩辦理疏濬海口一節旗籌等查得利津縣壯蠟嘴外新河門海口僅深數尺輪船不能行駛議用尋常淺船繫鐵篴子混江龍等物往來疏導不無裨益委員朱采等議請從鐵門關進下築堤俾水有攔束自能滌淤可與淺船相輔而行臣維歷來治河方法有沒有築康熙年間南海口病淤河臣靳輔奏請在雲梯關外築堤一萬八千丈藉以束水攻沙今之鐵門關猶向之雲梯關也若能仿照辦理未始非策惟現查鐵門關皂壩以下直至海口一百數十里彌望蘆葦向無人烟築堤於漫水之中無從下手費鉅工艱自無庸議至新河門海口舊分東西兩溜均寬八九十丈其中間鐵板硬

沙堅結如石亦非起自近年每屆汛落潮平沙面漫水尙存兩三尺伏秋汛內兩溜均深一丈以外汛退亦深六七尺不等查利津以上溜勢亦極通暢可知其口門無甚滯礙目前疏浚之法臣擬飭購黃河船數隻令機器局仿製混江龍等設法試浚海口風大浪湧浚船往來恐其不能靈便擬令先浚口門以上新淤淺灘雖功效稍緩總可爲得尺則尺之計所慮者疏動之沙僅能送出口門而止過此則爲潮汐頂托人力已窮臣仍俟試浚後察酌情形如果實有裨益即當妥議章程奏明辦理又原奏保護利津縣城一節該縣等請就沿東南一帶河岸築石堤以衛城基或有頂溜處所作挑水壩數道以資保障臣至利津察看該城東南門外正當黃水坐灣近則大溜側注東城隅情形較重民間曾以丹戩石填成小壩兩段壩旁爲回溜所激日就淘深現用埽段兩護測量該處水深四丈汛落亦在三丈以外諸壩係亂石堆成只能就勢加高若欲展寬接長填入深水勢恐無從立腳惟有於東城關廂圯處拓平餘地數丈排釘樁木橫築坦坡石堤數十丈以爲保護東門之計其東門迤南土堤一律培厚幫高以防盛漲再於東南角當沖處酌建斜壩一道以紓急溜東注之勢倘將來河形變遷自可相機妥辦即將東城縮讓數丈亦無大礙似此籌護城址藉衛民生既省遷城建置之擾亦免徙民安插之難應築堤壩土石各工需費已鉅容飭分別估計督同該縣紳民趕緊料理得 旨覽奏均悉仍著該撫隨時察看情形妥爲籌辦

保護利津縣城一節並著認真經理總期培護城址藉衛民生毋稍大意○丁酉命廣壽馳往東陵查辦事件○岑毓英奏查定例凡州縣開徵錢糧恐有浮收等弊必令佐貳各官協同監收如無佐貳之州縣卽令學正教諭記單開報本管道府查考以杜流弊法至嚴也無如日久廢弛弊竇叢生重到貴州卽博訪輿論知各府屬州縣自肅清後戶口凋零雖連年招撫尙不及承平時戶口之半故田地不能全行開墾而地方官更有不分熟荒妄令納糧者有額外浮收徵多報少者百姓呈訴不已臣當卽出示嚴禁惟教維各官係府屬州縣管轄之員以之協同監收錢糧雖知其弊恐亦不敢明斥其非仍屬有名無實茲擬以教維各員照例仍同監收外又檄飭同城武員隨時監察如有格外浮收徵多報少各弊卽稟報參處以儆貪婪上諭岑毓英奏州縣徵收錢糧諸多弊竇擬檄飭武員隨時監察等語州縣徵收錢糧是其專責如有格外浮收及收多報少各弊該管道府自當據實揭參倘敢知情容隱均有應得之咎若另派武員越分監察並令稟報參處不特徒滋紛擾且亦無此政體所請著不准行○戊戌何璟奏福建正考官文澂因病移出貢院報聞○庚子上詣太廟行禮○諭前因給事中吳鎮奏四川地震情形丁寶楨諱災不報並南部地方因加額起衅蓬溪亦因設卡滋事情形當諭令該署督詳查具奏茲據奏稱四川省城於本年五月十二日微覺地動旋據重慶等府及梓潼等縣共十九屬稟報亦於五月初

十二等日地動情形尙輕閭中等七屬城牆間有坍塌惟南坪一處城署房屋倒塌甚多又珠河楊河溝被山巖墜塌將河身壅塞後復沖開水勢洶湧致河北街民房盡行淹壞傷人甚衆竊因委查稟報不齊是以具奏稍遲等語川省地震成災各屬輕重情形不一卽著丁寶楨迅即奏明分別籌款撫恤毋令一夫失所至南部抽釐既據該督奏稱舉辦多年此次照前從減並未加增其趲派設卡實有不能不辦之勢現經妥定盤查章程不致再有滋事抽釐設卡弊端甚多該署督惟當隨時切實稽查悉心經畫毋得狃於目前安靜稍涉疏虞其向東陽等虧挪銀兩並著飭縣嚴追以重官款○王先謙奏方今紀綱整肅實字粗安切要之圖莫如洋務 九重宵旰所經營中外大臣所籌度或害未至而先防之或機甫發而善應之上下同心內外一體審慎詳密維持歷年綜論彼族情形約有三變咸豐十年英法各國內犯要挾百端和約既訂互換成議俄美亦相繼立約就中英爲禍首撫局初定彼人狡詐難信內地糜爛朝野岌岌其時深可慮者首在英同治初元剿辦髮捻大有轉機西人知我兵力向強心漸懾服雖文乃耳馬加利等前後數案屢煩辨論旋就安帖俄國疆域毗連蓄意侵占議界之事屢催不辦且以代收伊犁爲詞堅執推延駸駸進步其時深可慮者又在俄同治末年倭人犯我臺灣近復勦軋轉兵不遵定約海防未固禦侮尙無把握此時深可慮者又不在他國而先在倭敵情既有變更則區畫亦因之而異是

故通讓無救於邊患務在自強國莽適以速顛危要在審敵壯我之氣以懾敵然後可以立國充我之力以舉敵然後可以久安審機赴勢間不容髮苟或失時後將奚補臣故竭其愚忱謹就管見所及約爲四條一審敵情 本朝奠鼎中原臣句麗而役蒙古前代邊患一舉而空之獨準噶爾跳梁西北旋就芟夷俄羅斯僻處邊遠時蓄詭謀 列聖撫御得宜故能帖耳受命及咸豐末泰西諸國紛至沓來俄人起而交乘要約互市邇來倭國狙伺日甚一日合數十國之狡謀以搆難中土實爲千古未有割局敵則求請無厭我乃應接不暇此亦智勇俱困之秋矣然而強弱異形緩急異勢以目下情形而論敵之謀我既各有其用意所在我之應敵亦當審擇所處酌分次第就最急者專精籌辦以爲制勝自強之基破方發之狡謀而後可以杜無形之大患若渾同一視則此數十國方張之勢無在而非隱憂治絲棼之所有濟乎衆之兼併也攻韓魏而交楚齊漢之繆邊也威匈奴而撫南粵卒迺六合混一胡越來庭誠熟審先後遠近次序專力切己之圖氣伸於一隅而威遂立於天下也乾隆二十三年正月俄人呈獻阿睦爾撒納逆屍蒙 高宗純皇帝諭曰駕馭外藩之道示之以儆則愈驕怙之以威則自畏此二言若子孫世世能守實大清國億萬年無疆之祚也欽此臣思今日情勢原不能遽希全盛之軌而勞心殫力以期有濟則皇太后 皇上當與中外大臣同之稍一因循受病愈深恐無挽回之日然則揣敵情以求所從事非現

在更不可緩者哉就各國言之泰西諸大邦通商者據我津要傳教者愚我黔黎彼皆蓄意甚深貪復萬狀謂其志不在土地誠非洞微之論但西人越國數萬里兵饒既難爲繼虛實究未深知各國互市權利之區又貪戀牽制而無能首禍故兵船祇藉以恫喝必不遽起戰爭卽彼國有釁可乘亦中華百年以內兵力所不及此但可羈縻而不可圖者也俄國地大兵強與我接壤實爲肘腋巨患若彼意存開闢陸地相持勝負未定海道來犯防不勝防此我終當善策之而不能遽發者也獨倭夷最爾小邦橫行海外勢殺於俄國而地偏於泰西顧豈興無名之師顯露與我爲難之意縱其得志爲患不後於俄國而取之不惟俄人有所震懾而不敢生心卽泰西知我兵力竟能及遠亦將潛戢其詭計此天子我以自強之資不可失也倭之崛起爲雄也特聽巴夏禮陰謀慝惠乘中國之傲而起耳然其國據三島視中華一二省之大地不爲嶺新購鐵甲船祇四號皆木質蒙鐵海戰並不堪用小兵船聞亦甚少兵不爲強洋債日增窮困彌甚國不爲富往歲窺我臺灣正進退維谷之際而我允給兵費得意以去近遂破滅琉球夷爲沖繩縣駁駁乎雄視海上矣然其實非有深固不搖之基業其駕遠馭之規爲也夫覬國者不必履其地而知之觀其所行而足以察其民之從違與其國之興廢倭夷殘棄爲人專任一來自外洋之巴夏禮而所謀又不協於衆志其臣離矣倣效西人制度改易衣冠焚毀典籍耗民財而驟士氣其人呿矣薩司馬不服

竭其全力僅乃平之內屬變亂夷毗流離年來侵臺入琉球佳兵犯順皆敗微之先見舉國以爲天朝且旦夕加兵也而皆有怨毒其上之心其能安然無恙者特以強力價興之時未遭外侮雖疲敝而尙足自支耳或謂倭國兵精所向得志不知薩司馬本其屬地琉球弱小取之甚易非倭力固有餘也宋王偃破敵益地國滅於齊鄧支單于乘勝驕嫚身首於漢倭夷雖橫不過桀桀宋鄧支之比卽與諸海國爭衡亦當覆敗況天威震疊豈醜虜所能當耶然彼固無挑釁之師我何妨示包荒之度今背公法者倭也棄和約者倭也開兵端者倭也彼既藐我爲無能猶審顧遲回而不思一怒彼之得尺進尺豈有已時不今歲兵及於臺灣則明年禍發於朝鮮待其氣力壯盛而始圖之其難什伯該夷比來用兵行徑迹類小偷不予痛懲則放膽恣行將成大盜而不能擒捕且琉球朝鮮均我東方屬國密瀾倭夷琉球不復朝鮮能無寒心斯又東藩觀聽所係非僅國家戎政攸關也側聞辨論琉球一事該夷藉口何如照會措詞過激延宕枝梧今轉不必急責其退還琉球而彼若詭計調停割地兩屬亦不可允許蓋許之則彼得利而我無以爲問罪之名不許則該夷貪地不還曲終在彼現在該夷堅指琉球本其屬國刊入洋報傳布各邦我亦當明斥其捏實使各邦知之否則各邦轉以彼爲有理之事矣竊謂辦理之法首在慎擇使臣明歲更換之期此任較各國公使尤重非文士所能勝必得歷練營務樸實沈毅堅忍有爲之文員充

之不用副使以免掣肘令其廣設耳目使彼中虛實纖悉咸知長崎橫濱各島現有中國理事官當由使臣選擇調派以期呼應靈通各島多中國商民山使臣飭各理事官不動聲色按戶派丁陰以兵法部勒使之彼此聯絡守望相助託爲保衛閭閻務在結以恩信俾皆時爲我用該夷與中土同文購畫彼中山川形勢尙易爲力得其地圖可發交南北洋大臣派人講習備行軍嚮導琉球遣臣義士有來歸求效者量爲收恤勿絕其望既以究知該國地形兼令謀探倭夷動靜蓋興滅國卽所以振 天威此實關繫我朝宇小存亡體統不得視爲鄉鄰之闕卽天下臣民皆有以諒 聖主之心並非因喜功而糜費也一俟海防少完兵船足用舉該夷背約構兵諸罪布告各國逆風捲出其不意收琉球子遺之衆出朝鮮犄角之兵戰艦直搗其夷巢華民響應於各島以堂堂正正之師取衆叛親離之地可一舉而集事也然後乘戰勝之威清俄人占越疆疆定泰西互市限制勝勢在我則進止輕重隨所施而咸宜 高宗取遼之鴻規何不可再見於今日哉 朝廷不出師以威四夷 朝廷苟出師以威四夷或者其必由乎此矣一振士氣古今人才之用不竭在上培養之振興之而已非培養則才不生非振興則才不成用在才而所以可用在氣若居上者弗爲振作官與兵民皆有頹廢渙散之勢氣不舉而才亦隨以消亡矣人固有不得驅策而竭盡惓忱者孟子所謂豪傑之士雖無文王猶興此上知之資不能多得故供奔走者半中

材不加磨鍊則茫然歸於無用 本朝大臣如阿桂舒赫德皆命世傑佐然亦幾經摧挫而後變爲梁棟之姿蓋非是不足動心忍性增益不能下此者更無論矣乾隆二十四年十月 高宗純皇帝以戡定新疆諭曰此番遐方綏靖我將軍參贊以及一介執戈之士無不得嫻行陣於國氣人才深有裨益然非朕力爲振作信賞必罰以淬厲之其誰不畏難苟安而坐希無事之福乎欽此 聖謨深遠有味乎其言之所謂國氣卽士氣也臣每一恭讀輒爲低回往復仰首企慕而不能自已也今論辦洋務者動慮無人才可用臣以爲亦在 上之振作何如耳嘉慶時李長庚王得祿邱良功等皆以殲擒海盜蓄績重洋辦洋務而謂無人才臣不信也夫物必待時而顯才必練事而成他端皆可書授師傅獨用兵非身親不悉本朝不辦新疆則無平定金川之阿桂等不辦金川則無平定臺灣廓爾喀之福康安海蘭察等無廓爾喀苗疆之役額勒登保等何由見 知而平教匪無教匪之役長齡等何由授鉞而定回疆道光以來承平日久人不知兵一旦萑苻亂流毒極於四海然無此番兵事曾國藩李鴻章或不過以文學侍從終其身而左宗棠彭玉麟輩將老死荒山烏能爲 國家效命哉今天下甫定宿將尙多不及時驅策而淬厲之萬一將來遇不得不用兵之時恐真無可用之才矣人情本多怯而少勇雖禁止令行猶懼不率若任其委蛇遷就至僨事而已莫能追 高宗純皇帝臨御臣工時有不測之賞罰 聖意所在大抵勇往

者雖獲咎必有畏意者雖善全必邀至譴辦邊務尤不假借故能驅材用命武功十全漢通外域谷吉十數輩奉使戕軀命而不恤其時爲都護者多能行便宜張國威亦見前代之法令嚴明也今諸國通好使事頻繁似宜嚴定辱命之罰俾人皆有所顧忌而不敢專爲身謀於國事庶有裨益此任將擇使二事臣以爲在官所宜急爲振作者也古來無不敝之兵制本朝軍政盡善勤旅無前自髮捻盜行湘淮義勇名天下營兵或反爲世詬病於是有裁兵併餉之議有改勇爲兵之議臣謂此皆未觀其通而求其實也裁兵併餉以爲餉足則兵自精而汎地不敷巡防奸宄更多竊發利未收害先見矣改勇爲兵蓋以兵無用而勇有用均是人也緩鋤之民可使殺賊行伍之士反謂不如舍本齊京殆非通論夫兵之病在與將不習而平日之勢分勇之利在將士一體而平日之勢合但警急時有屯紮一處之勇承平時不能有屯紮一處之兵卽如長江水師其初攻剿爲要不能不合及改兵則汎防爲要不能不分然既改之後規制既異操練較難設有戰事卽難必盡如當日之精銳得力雖以彭玉麟自將而自改之亦無兩全善策推之綠營何莫不然若分汎以請奸而別屯軍以備調庶乎其可然無此軍制及無此巨餉也況久屯之軍鋒銳消耗驟臨戰陣又豈能必其可恃乎然則如何而可亦惟勦練節制之師用其方新之氣而已矣乾隆二十四年九月 飭將軍富德等追索霍集占於巴達克山 諭曰我滿洲威尙素稱醇樸勇往而

承平日久八旗子弟多耽安逸偶遇軍旅之事轉致不能嫻習朕於此舉正欲訓誨督率之傳習勦勞而
諳韜略而諸臣中或猶有狃於小利近功不知事機之緩急者古者無事之時不廢訓戎講武今以法無
可追之逆裔當功有必成之事會且可藉以練我殺敵致果之將材又何所顧慮而竟爲浮論所惑欽此
恭釋 聖訓實以藉軍事練兵爲妙用夫兵者聖人不得已而用之然非諄言而屏棄之也時會方乘有
臨事之懼 天討既致無顧武之心耳若不得已而不用則 國威漸損其究必至孱弱不振虛言訓練
無益也今練軍行之有效可漸推廣 中興後閭閻子弟皆有强悍勇烈之概急公赴難之心果其用之
十萬雄師咄嗟立致選將部署數月而定過此以往未之或知 臣謂兵氣宜急思所以振之者此也我
朝恩澤之厚曠隆往牒編氓浹洽肌深固不拔自天主教入中國迄今十餘載姦民起而馳驚良懦視
爲慣常而忠憤亦稍衰矣民心之不定由於 國威之不立豈細故哉宋太祖以神武開基後嗣失之積
弱然其仍世仁厚積累頗深及中原淪於金元無一人提戈仗義民豈無良迫於勢之無可如何耳俄人
占據伊犁索倫錫伯人衆流離困苦不獲自拔來歸我兵力所不及在彼中者亦無能殺賊反正足見固
結之心可恃而未可專恃也 臣前在湖南見士民聞教士將至咸欲得而甘心詢之各省莫不如是固
由鄉愚罔識此時禁令然彼自以爲尊孔孟則不容異教載 朝廷則屏斥外夷此等忠義正直之氣實

列祖 列宗二百餘年涵濡漸漬而成非易致也夫以斯民之所同惡而爲上者諭之以可從又因而
法令驅迫之奸民入教者較良善爲安樂有事則調停而祖護之官府不如此 朝廷又從而加罰焉始
則愚民不知僅怨官府今知之而駭駭乎怨及 朝廷矣臣亦知 國家辦理深心目下更無別法但再
閱多年蚩蚩之耳目心思汙染愈深欲求如此忠義正直之風以備干城腹心之選竊慮其倍難也臣謂
民氣宜急思所以振之者此也夫欲振官與民之氣則又全在 聖主持之以一心有通籌之至計有
堅忍之定見應舉之事次第責其成可取之材大小咸儲其用奇謀坐定於 宮廷威聲已樹於海滋
外夷聞之行將自戢譬諸資育有不仁之疾兒童得而易之一旦霍然起立雖赴赴之夫亦變色流汗於
百步之外矣何有於強敵之相侮小醜之難平哉一籌經費洋人入中國爲時已久 朝廷深思密計求
所爲制勝之方而尚未大收成效蓋以度支匱乏挹注無資則經費之籌亟已其要約有數端敬爲 聖
主陳之一懇荒臣前奏經費宜裕摺中詳言之已蒙 勅部議奏查嘉慶二十年十一月御史盧瀚奏直
隸省官荒地畝並各項入官地畝積案久延 仁宗睿皇帝諭曰屢經戶部奏准降旨飭令該督等委員
勘丈召墾升科乃因循已久有閱十餘年或數十年尚未勘報者實屬怠玩疲懈若係官吏本家私田孰
肯墾其荒廢耶先公後私之良臣竟少深可浩歎欽此以承平無事之時查辦數十萬官荒地畝尙至屢

煩 聖慮今江浙等省荒田事體重大察弊尤難所恃疆吏公忠視 國事如家事尤在 上專其責成而已一開礦此中外臣工屢請舉行者泰西皆用開礦至富強中國產煤鐵少則輪船所用必取給外洋是中土添一漏卮外洋增一利藪故從前可以不辦今日勢難緩圖 國家無事之日動不如靜有事則當與時勢爲變通且地不愛寶秘久必宣亦自然之理也前李鴻章試辦於磁州等處不聞成績如何劉長佑亦請在滇籌辦以資繼而止臣常求各省難於初始之故特以機器費鉅事無把握竊意開辦不必先用機器外洋多精地質學者即中土亦不乏其人滇黔川邊老民尤爲諳習測量衰旺十不失一由各督撫雇募試探果得巨礦再以機器鑄之則費不虛糜而事有實效滇黔道遠運艱東北諸省可開之地頗多當以漸舉辦官啟其端招商繼之購買機器商力不及則官借資本分年扣還大抵興利之事官辦不如民辦則經費甚而中飽多不啟其端商民難與慮始亦必疑懼裹足但期推行漸廣不必利盡歸官而 國家受益甚大所謂以美利利天下不言所利也或以前明流弊爲疑臣又嘗深求明代之失萬厯二十四年開礦徧天下命中官爲礦使編富民爲礦頭礦無所得勒民納銀民不能支富家巨族誣以盜礦良田美宅指爲礦脈征權之使急如星火搜括之令密如牛毛其時諫臣言陛下謂取諸山澤礦使實弁之閭閻切隲危言神宗不悟流弊廿載國脈大傷嘉靖三十五年開礦一歲中費三萬餘金而得銀二

萬八千五百不足以償失成化十年採金於湖廣寶慶等郡歲役五十五萬人死者無算而得金三十餘兩官吏欺誣適成笑柄此明事歷歷可指者大凡國家舉事先問本意何在則能行與否可以直決爲國聚斂雖小且易事無不敗爲民興利雖大且難事無不成明所採者金銀礦也以聚斂爲急現在巨工所請開者煤鐵礦也以爲民興利爲重今天下所用煤鐵銅鉛無一非礦焉者可用而新者不可增似非情理各省山礦因循老而奏封閉得綫而請開採者輒在列朝實錄史不勝書從未聞別生異議今但混言開礦不復別白而前代民間隱痛猶在人心亦無怪人之致疑耳乾隆五十二年十月給事中孟生題奏請停止直隸總督劉峨所奏昌平州開採硫磺論曰京城外西山北山一帶開採煤窖及鑿取石塊自元明以來迄今數百餘年取之無盡用之不竭從未聞以關繫風水設有例禁豈開採硫磺遂至於地脈有礙卽云開設硫磺廠恐聚集多人滋擾地方則每歲採取煤斤石料所用人夫不知凡幾豈皆良善安分之徒何以并未見有滋生事端之處聖諭詳明實足破世俗迂惑之見現在各省有留防兵卽多人足資彈壓可無他慮惟商辦之後必令該督撫選廉正之員專司其事不出州縣官經手以免腹削滋弊至採取金銀我朝向無此事伊犛渾金和闐採玉皆於乾隆嘉慶年間定制聽民自流通官爲譏禁約定稅則蓋以一歸官辦流弊無窮將來寶藏之興倘有自然呈露者則貨不棄地亦在疆臣之辦理得法

耳一嚴汰冗員各省道府州縣佐貳少或數百員多則千數百員其中儘有奇特秀穎可成就之材既驅而納之仕途則專意圖謀差委爲衣食計材力銷於放逸心計困於鑽營此節義之士所以不興而捐輸減成之後不獨於國帑無益卽人才亦因之日就敝壞也各省差委之事本可數計候補人員既多疆吏不能無勉強加派情面酬應之舉聖經言生財大道首在生聚食寡今舉可自謀生之人點袖手仰食於公家卽天子富有四海亦自力不能給養葬所以病財施也可否 飭令各督撫將差委人員認真裁汰以節糜耗今外捐雖停此半年中報捐分發人數倍多宜令督撫嚴密局試文理不通者停其差委到省後補署差委無期者聽其呈請回籍靜候咨取免致爲候補所累現當辦理洋務需人該員等有諳習外洋文字語言測算輿圖機器化學電氣學者令其自行呈明由督撫試驗能否分列等差彙咨總理衙門存記以備將來咨取當差或回籍數年後始學習精通者准呈明本省督撫試驗彙咨杜其僥倖之門而開其報效之路一轉移間化無用爲有用庶辦理洋務之人才亦可藉此振興一整頓整頓整頓數目日少一日固由洋船包攬辦理實亦未盡善法此則廣密以杜侵隱而商民之受困愈甚分卡林立以防偷漏而胥役之訛索滋繁此則應寬者不寬當併者不併也至委員侵吞鉅款上司徇隱徇縫前此所無近日有之以國家事不得已之舉適至肥劣員之囊民與國兩無所益深可痛惜欲救其弊仍

宜參用土人官場習氣較重衣食漸求華美應酬易致虧挪及得差委千瘡百孔膽大妄爲者便敢公然
侵蝕追發覺撤委帶項所失已多士人愛惜身家顧畏名義願欲不奢月得十千二十千卽足養其廉而
資其力官又查察而鈴束之無虞作弊此劉晏所以奏績於唐時前撫臣胡林翼所以收效於鄂省也邇
來候補人多盤捐全歸官辦然安插冗員與慎重國帑孰得孰失固皎然易明矣一加抽洋藥稅釐
向在鎮江詢悉洋藥局委員洋藥進口每年約七萬餘箱洋人每箱售銀五百兩總計三千五百萬中國
每箱收稅三十兩總計不過二百一二十萬洋藥釐捐各省多寡不同總計祇二百數十萬中國所得皆
民輸官用並非獲自洋人而外洋以此毒物收中國之銀歲至三千數百萬之多中國如之何而不窮也
朝廷屢申販煙種煙明禁誠爲根本至計但徒禁內地之種而不能禁洋人之售則販者如故而益以
壟斷予洋人除害不及半而利全失之矣查英國條約云洋藥如何征稅聽憑中國辦理烟禁條約亦議
定釐稅並征當時惟此一欸中國稍得便宜迺各欸均由中國照辦此事延宕至今現在威妥瑪來華當
與堅持定議加稅一倍備滯銷而來者漸少既可以救民生若仍前暢行亦藉以紓國用如威妥瑪堅
執不允我當設數端以相抵駁使其勉就範圍多爭一分卽多得一分之益一仿製織造機器洋人呢布
買中國絲棉成之每歲售銀亦三千餘萬良由機器便捷獲利甚厚我若仿製亦可塞一漏卮或由南北

洋大臣招妥實商人借款辦理乾隆五十一年商人王世榮請借帑銀嘉慶十七年蘆商義和泰懇借運本均 勅部議行此皆成案可援無損於國而大便利於民者一也從來王道不言功利若外患方張之實亦難置富強爲緩圖言強必先富而富莫大於藏富於民今約計洋藥呢布兩項出洋之銀已六七千萬若再不爲籌畫將來匱乏恐不專在 國計而在民生後患何堪設想嘉慶十九年正月 諭曰夷商交易原令彼此以貨物相準俾中外通易有無以便民用若將內地銀兩每年偷運出洋百數十萬日積月累於國計民生均有關係著蔣攸銑祥紹查明每歲夷商等偷運足色銀兩出洋實有若干應如何酌定章程嚴密禁止會同妥議具奏欽此仰見 聖慮淵深於中國銀兩出洋之患早已 洞鑒今時事更非昔比若之何轉不爲之所也以上數條臣特舉其大者夫籌經費於今日亦極難矣既不能益我所本無卽當求我所固有臣所擬後四條專以防侵耗而塞漏卮若本源至計當以銀荒開礦爲大宗而開礦獲利尤速 朝廷如謂事不可緩圖似應斷在必行開辦之始既不用機器測量之人亦不用外夷自無慮驚駭耳目果得巨礦應用機器再剷切曉諭地方以爲民興利及防禦外夷之意則民情大順而事無留難外夷所需於我者茶絲爲最近聞英國羅桑漸興印度茶種甚佳再一二十年我將一無可恃西人講化學者每言中國繁富甲五大洲煤鐵之利外國不及不解何以爲窮困故今開礦暢旺不獨濟我之用兼可

擅彼之利也至欲挹財用之綱領則權必當操之於上伏讀高宗純皇帝御批通鑑輯覽曰明代財用不足由於上不知府藏之數臣下遂得肆其私竊乾沒使能慎斂於平時復加之制節謹度何遽至於入不敷出追國用告匱而欲取資山澤非特臨渴掘井緩不及待且以杯水沃輿薪亦何濟於事哉聖謨洋洋臣尤願聖主敬懷而深忌之實國家無疆之福也夫中國臣工之於洋人咸欲滅此朝食所以束手下氣徒坐無經費耳自同治以來朝議疆防惟是爲尤亟矣而經費未籌至今如故天下安有坐而收功之事乎一備船械洋人所以悍然與我爲難者非不知中國民心之固結也羣匪蕩平以後非不知我兵力尙強也而敗於如此特謂彼能來而我不能往耳故備輪船爲亟我不能空舟而破敵則鎗礮機器不容不具故備械亦亟焉閩滬船廠設立有年商船頗多兵船太少臣以爲目今要務全在戰守兵船爲亟商船尙在其次夫招商輪船原藉以分洋人之利辦理具有苦心但從來營利之舉官辦必難持久船政總理大員屢行更換經營多人頭緒紛雜照察不及久則弊生且帑項有限擴充爲難今當成效漸著之時人人知有利可圖宜廣爲招徠使官商開風踴躍湊股合辦增一駕駛出洋之船則中國多獲一船之益外洋卽減一分之利惟商民以成本重大兼畏風濤國利之心不敢避害之心又當以餉秩獎勵之今外捐已停名器貴重鼓舞之權端在於此可否明定章程將每船製造修理往來駕駛之費若

千運載貨物之利若干由船局綜覈開載刊布各省俾人共曉然並令督撫仿鹽務招商之例廣論天下以朝廷修明船政之意凡鳩貨造一船出洋者照軍功例酌予級紀駕駛三年獲利富厚者酌賞頂帶虛銜船多而年久賞亦遞加人知有利可謀有賞可勸又有船政大員爲之維持兵船爲之保衛公家初不利其絲毫孰不欣然樂從將來風氣大開於損外益內之舉自有實效西人富強全在官商一體國朝海禁森嚴商民不准出洋貿易今事非昔比則因敵之利而求所以制敵之方當先通商之情而後他日資商之力至兵船如何製辦督撫中如李鴻章沈葆楨丁日昌等皆請求有素自必擇精語詳非臣愚所敢擬議然竊聞英法俄諸國皆以鐵甲船擅勝各有數十號美國前有四十餘號近年以爲可以不用大半分售各國專造一種礮船其前鋒利如錐遇鐵甲船直前撞之轟然洞孔破裂若日本木質鐵甲船所蒙之鐵厚僅三四寸許以此破之更易矣將來出洋征剿自應有鐵甲船十數號爲攻戰之需目前經費不充似可倣照美國先備礮船數十號計鐵甲船一號費在百萬金以上礮船約二十餘萬金省一鐵甲船可辦礮船五六號以之防海制敵可期得力則防衛出洋商船保護海運漕米均足恃以無虞至各省製備小輪船太多增一船卽多一船管帶之人支銷之費此等船隻既不能內河緝捕又不能出洋戰剿徒資糜費盡便無大利益宜停此後增備以節虛糜大抵外夷舉事嚮張恃其然利在上下同心猛鷲

堅忍勢有必至中國辦事鎮靜有餘然病在情意隔閡瞻顧推諉終於無成嘉慶十一年正月粵省奏報
略啞國即俄羅斯有商船來廣 諭令嗣後申明定例杜其再至時俄人本有恰克圖貿易舊章而意重
趨利不憚深謀遠越其能致富強亦卽在此泰西諸邦美布最爲後起美主華盛頓於乾隆四十三年據
英國亞美利加之地以立國四十九年卽遣商船至中國購茶五十九年造戰艦嘉慶十二年作輪船又
十數年興利之事大備強盛埒英法矣布主佛得力於康熙四十年由日耳曼屬國自立爲國其孫福達
利弗修武備再世積弱至嘉慶十一年爲法人所製山是重困同治以後威令懾大修船械一戰而賠法
王遂爲強國由是言之國無大小惟視自立何如烏有堂堂 天朝而轉遜謝於海外么麼之理哉各省
設立機器局原以學製諸習免臨事購買爲人把持雖糜耗於目前必程功於異日丁寶楨設局川省奏
明 准行追恩承等查辦又復奏撤一主利用一主惜費 朝廷兩議並從原屬 虛衷博採但各省設
局製辦獨川省因人言頓止帑項既已虛擲政令亦不班一是講明西法之舉 朝廷尙不能自信何以
使人共信 竊意現當安內攘外之時不少變通盡利之事動率異論安有成謀況遇事出以游移疆吏
之勇往者無所遵循苟安者遂其諉卸天下必多不興之利不除之弊斯則望 聖主持樞於上樞臣力
贊於下也康熙中議開陶莊引河不決乾隆時開之而河漸北徙嘉慶中議行海運不決道光時行之而

利賴至今非常之事始共驚疑待其成而後信臣亦願朝廷於製備船械持定見而開羣惑也至於水雷礮臺電綫鐵路海防所不可少皆當次第籌辦而船廠量移腹地免致有警時徙置爲難尤其當務之急者矣以上四條士氣宜振奮敵情而後有致力之端船械宜備籌經費而後得開辦之具四者之中經費爲亟當於此專力圖維以決於初基而後不匱於持久臣維自古患氣所伏恆在極盛之時弭於未形人恆不覺一有差失卽成巨變不審其後彌覺可憂西人不忘情於中國非一日矣溯查乾隆五十八年八月英夷入貢凡該國派人駐京浙江寧波珠山天津廣東等處泊船貿易貨物刪減稅則任聽該國傳教各節今日現行者彼時皆已具奏陳請當降勅嚴加駁斥六十年入貢稍爲恭順嘉慶中德天賜以傳教破案矣嗣噶喇以圖辦中國山川上聞矣疆臣泄沓從事蘊蘊伏戎其尤甚者十三年夷人兵船徑入澳門占住礮臺兩廣督臣吳熊光任其留停遲遲入告仁宗睿皇帝節次嚴飭該督始向理諭而辦理過軟夷人招延數月揚帆徑去始窺見中國虛實二十一年七月入貢膽敢屈覲見之時正副使一同稱病則已立意生靈仰蒙聖度包涵以六合之外存而不論將夷使驅逐回國道光中葉疊次內犯諭旨歸咎彼時和議不知履霜堅冰由來者漸也俄夷夙號大國若非康熙乾隆時辦理得法其可慮亦不待今日故制倭不下辣手今日之倭又異日之英俄也夫當日所以議和者特因戰備未修倉卒從事

安一時之反側非以爲永真之良謀也習久相忘幾以口舌爲可常恃一教案之出一換約之期必增立新條彼智愈長我謀愈絀今歲威妥瑪爲中國抽收洋貨釐稅一事乃至糾合十餘國公使羣萃都門圖逞其要挾之計俄國定約伊犁各城既未全歸白彥虎又不獻出而領事設至大理通商直達陝甘東南之門戶洞開西北之藩籬何恃此忠臣義士聞之所爲撫膺而歎憤也我明知和議不可憑信彼人貪心無已而一切未盡設施相顧束手現在河運漸廢漕粟全恃海運萬一彼人合而謀我以數船橫互洋面則全局關鍵匪輕彼之要約恐更出於情理之外者我亦將晏然而已乎 國朝 家法昭垂政由 乾斷賢襄必資臣下主持全在 聖心況軍務夷情所繫重大 上有安民之怒諸臣敢不殫起赴功 上懷恤衆之仁諸臣亦且相安無事全局樞紐兼自 宸衷非羣策羣力所敢任也自來謀敵者固當審量彼此強弱尤在酌事理之當否民情之順逆今事理本無可疑民情實大可用 聖主固深知之矣至軍事利鈍非能逆觀 本朝武功連邁前古而準夷籌兵於 三朝金川收功於再舉卽同治初戡定粵捻何敢信曾國藩等必能奏績而堅定邁往終以有成可見委任得人不愛罔濟 國家立賢無方文武具備爲守兼優之人千百中或祇一二至乘時會而赴功名者何時蔑有人臣勛名成就亦思爲晚節保全之地智略可倚以集事而馳驅半非所能堪故汲引人才以備任使方得以人事君之義李鴻章左宗棠

沈葆楨督殫心戎務公忠體國大臣彭玉麟覽轉長江而誠任事水軍戰士尤所深悉岑毓英志存殫心不畏艱難似可飭令諸臣將其部下才堪將帥偏僻之選者密疏存記專備海防指臂之用至沿海師船規模必得專員統轄南北洋分設總統彼此隔閡呼應不靈總統之上宜特派大臣兼轄之守則巡閱操防戰則發縱指示調度一切由其主持沿海省分督撫轉饒設防助其不逮同德同力而氣象爲之一振矣夫目下籌經費備船械原以先固海防非遽輕言海戰然通南北九千里之洋面必在在籌防毫無滲漏我不敢出洋一步坐待敵人來攻而竭力以禦之雖愚者亦知守之不盡可恃也故必能戰而後能防既能戰矣焉有值可乘之隙而不乘轉坐待他人之我侮乎宋臣蘇軾曰聖人不能爲時亦不失時時非聖人所能爲也能不失之而已臣謂目前洋務情勢尙在可爲之時亦願聖主能不失之而已策定於一時而基業於萬世疑稽於卿庶而機決於宮廷故曰上無臥薪嘗膽之謀而欲下有固難枕戈之志必不得之數也上諭軍機大臣等翰林院侍讀王先謙條陳洋務事宜一摺所奏審敵情振士氣籌經費備船械各節不無可採著李鴻章沈葆楨即將海防事宜並該侍讀所陳備船械一條切實籌議先行具奏王先謙所稱任將擇使二事亦爲儲才起見李鴻章等如有所知著隨時密行陳奏以備錄用此外各條是否可行並著分別妥議具奏○是月命邵友濂署理出使俄國欽差大臣○奧大利亞

國新簡駐華使臣何福爾抵任